



張亨甫全集卷五 壬午

建甯張際亮亨甫著

全邑孔慶衢寄吾校刊

書吳梅村詩後

遺老才情首駿公。飛騰健筆欲摩空。興亡過眼聲華薄。  
出處傷心著述工。名士宦官東漢紀。美人狎客六朝風。  
陸沈莫弔王夷甫。十廟園陵夕照中。

楊白花

金城大道旁。一樹婀娜如人長。露條踈地花糝香。驕嘶  
白馬為徬徨。東風一夜吹花去。燕子銜花也無處。將儂  
張亨甫全集 卷五  
持許作萍蹤。可憐水流各西東。

口號送嚴山之光澤

二月將交尙返寒。離情遙憶出門難。溪山一路多冰雪。  
何處梅花照馬鞍。

六年抱膝梵王宮。上日開樽醉每同。從此絳桃花一樹。  
為誰開落向春風。  
城西迎釐觀有絳桃一株元館於此花時輒置酒燕賞

寄懷益謙

碧漢澹微月。涼風生夕初。遙知贊公室。靜對古人書。松  
雪一山滿。澗泉終夜虛。幽居正清絕。相念復何如。

新柳

細雨春原嶰畫眉。東風吹綠柳垂絲。澹煙野水孤村路。  
寂寞楊枝十五時。

山人五馬圖歌

今王有道四海清。駿馬不取充邊庭。山人寫出在屏障。  
秋風夜起如嘶鳴。川平草肥似沙漠。健筆縱橫馬氣作。  
兩馬屹向一馬奔。一馬仰天視寥廓。一馬卧地弄影嘶。  
倒顧四馬思騰躍。此豈戰場經百戰。千里一日號飛電。  
卽看磊落畫圖間。天駟房精等間見。在昔曹將軍。畫馬  
蓋有神。山人白首亦坎壈。下筆往往追前人。我慙杜陵  
大手筆。作歌爲汝還逡巡。吾聞八駿歸穆王。造父御之  
張亨甫全集卷五

卷五

遊畋荒遂合周德中不昌。所以狗馬之玩。

聖主戒渥洼老死庸何傷。麒麟鳳凰在郊藪。吾

君方當致此祥。

松谷日暮慨然作歌

碧山返照明峨眉。青天倒映紅玻璃。萬松蕭森作雨勢。  
小閣坐對行雲遲。東風相識復幾日。梨花扇盡西南枝。  
煙蕪渺渺暗新綠。如有美人相送歸。洞天春色滿懷抱。  
瓊華自落無人知。君不見鄧侯年少時。一身爲帝者。  
師。黃河化爲一杯酒。且看皎月當金卮。

東風藹然暮。禽鷺亦已飛。日夕微雨歇。華月生前池。坐對百年松。銜觴偃荆扉。

林良畫鷹歌

我昔曾讀空同詩。每憶林良畫筆尤精奇。角鷹之氣如猛士。能手揮灑窮端倪。高堂一幅冰綃開。風毛雨血睛空來。側目視天天欲動。鐵爪上抉重雲頹。經營慘澹極意態。低盤勢逐寒鷗隊。朔方木落片影孤。蒼然萬里塵沙晦。安得健兒真臂此。盡擊草間狐兔死。丹山去作鳳凰友。良也天下更無比。區區工似笑呂紀。

月夜聞笛

張亨甫全集

卷五

三

絳河盪月淪金壺。山氣浩與白練俱。露華墮地不聞響。鬼燈著樹低花跗。湘靈夜語泣斑竹。古壑風死龍子蘇。千年石壁慘下裂。人間幽怨來虛無。嬌楊啼綠滯煙雨。玉梅粧委紅攢瑜。坐催羿妻悔偷藥。鈎簾却掩天糝糊。星官耿耿久不寐。同我酒闌悲李暮。

太弋山詩次昌黎南山詩韻

七閩際滄海。厥爲山水圍。怪駭甲天下。蔓延不可究。伯翳所不到。圖經空禹授。後儒作地志。往往多遺漏。美哉我郡山。大弋實罕覯。萬年委荒僻。此地豈大湊。遂使閩弗彰。闕若古敦繡。因循一振筆。力慙紙背透。粗述見聞

佳未足紀盛茂。縱橫三百里。出沒數千岫。遙望巨重霄。

浮嵐藹遷就。岑高雞露冠。上有岑巖開。鳥引囑。有石迴。

峯積古色。絕壑隱幽秀。日斜照空明。澄黃北醇酎。朝雲

出其巔。蔚蔚徧涵覆。化工肆瑰譎。堂皇幻靈構。峻叅太

行險。醜得蛾眉瘦。九華摩乾根。兩孤突坤宙。峭拔森開

張。崢嶸脫鑱鏤。巖巖危以舒。綿綿曠且衰。合沓難爲名。

晦明自成候。其上複棟巒。環邏屬車筵。四部分丙丁。二

校列已戍。包絡結地維。青蒼吐天竇。咳唾承帝庭。鮮露

日宣漱。河漢勢低昂。煙霞氣雜糅。雪霜有夏秋。氤氳無

旦晝。汪汪七泉眼。清湛錦可漚。洞深盤蛟虬。浴飲絕猿

張亨甫全集

卷五

狝。下潛浩無底。鳥立睇恐仆。數成雁湖奇。功殊虎跑晒。

早魃殺稼穡。后土媪不富。沈祀霈甘霖。神龍此奔走。淵

然四海德。宏矣萬民宥。山最高處曰城。嘴有泉眼。七深。不可測。凡不齋戒而窺之。水雷。

立至每大早。四方祈雨者。投以雞犬首。而壺汲。泉沿途注之。則數百里霖雨。隨沛世謂之龍井。其中埒。

五都。百昌畢投售。輪困萃羣材。護儲神明佑。動植庇藏

養。魍魅辟囹詬。丹沙散丁岬。金碧委缺螫。種樹蟠人繁。

穴處木客愁。菘韭六月新。菌筍十年舊。瘴氛蒸淒瀾。卷

路錯义又。砾礪觸巨鱗。礪礪遊老罌。孔翠耀文侶。獺鷲

聚逋寇。嶺窮村忽通。田敗澗相救。鹿籬籐布花。雞棲燕

翼敲。蒼蒼礪谷中。樵歌亦時奏。礪礪不能窮。陰陽資變

買其外枕四邑。賽禱每邂逅。歸甯負尻髀。建泰連頷脰。

鬱盤臨汀迴。鴻蒙豫章裔。

山本南幹之支從汀州來襟帶歸化甯化建甯泰甯四邑

界可以眺江西南豐新城界

黛寒識雨生。凍解成川溜。密晴霍自陰。

嶂失霧來復。邱陵帶高下。嶧岡羅左右。岵林擁戈鋌。砮  
畧貫甲冑。芬菲蔭春麓。苔蘗奪蘭臭。壘磴陟艱阻。屢如  
椎中副。攀援遂巧狙。健捷羨飛颺。俯視蔚藍低。仰捫翠  
微皺。我挾濟勝具。賈勇曾進鬪。長嘯卽冢頂。若雉升鼎  
碓。神理會超舉。與象爭赴湊。仁體景靜敦。霸畧獻馳驟。  
藩鎮南紀安。屏蔽百蠻佑。山非夸氏負。石免秦火炙。登  
封思壇坻。鑄壁少篆籀。父老蓋常言。越王昔遛逗。射獵

張亨甫全集

卷五

五

此山阿。黔首廢耕耨。寶物遺金鏡。千金費虛購。其詳不  
得聞。魚根本誼譎。相沿訛誕漫。稍稍傳長幼。

相傳越王無諸獵此

山遺失金鏡故一名金鏡山云

聽僕畢致辭。勝概頗不謬。野燒始烜蕪。

綴似釘坐餌。一點倏閃尸。漸大如焚柩。須臾粲纍纍。東

西陳俎豆。翔噪撲亂烏。挺急竄伏獸。烈焰騰深宵。霏熒

噴黑鷺。山鬼警哀啼。眾燐相先後。嚴冬朔飈乾。炖紺經

月畱。祝融麗炎荒。目靈申重媾。烽燈導霓旌。翩聯簇紅

袖。或疑地祇出。團烈舉巡狩。田單縱炬牛。夜壘乘燕首。

令人然扶桑。煮石燔脯餌。赤竈龍拏攫。揚侯曷敢收。十

日送空行。誰張后羿殼。燄焮怖狼烽。熒燁裂薪標。隆隆

殷雷鳴。賁豫觀象。繇瀑布尤蜿蜒。柔剛遇占姤。徐鉉云眾屈爲

水至柔能攻堅。破峽合更離。注潭違乍邁。巖確豁月精。

灑潏盪星宿。翻飛天際來。萬駢飢駕廢。灣沆百崖端。巖

灑汙狃。想見混茫間。元冥德斯懋。聲光戰風浪。筋脈湧

瀾。共虛漿人掌。飲宜膳夫侑。正類君子懷。澄滄而不

疾。夙愛大機師。坐忘鄙喝呪。僧大機明季證悟於石鳥巖天台夢已

勞。匡廬居便儼。手持白芙蕖。神漢澹澡嗅。茲山久蘊真。

一酌爲醕醑。

畢節高氏篇 高氏名小翠藕亭先生新納姬也

張亨甫全集

卷五

六

明珠出合浦。委棄蒙沙沉。寶劍入延津。豐城無返期。妾

本貴州人。家住大定府。畢節縣城中。是妾家鄉土。祖父

有聲名。身爲魯諸生。仲父是上舍。伯父爲舉人。小叔亦

秀才。學中有聲名。妾母 氏女。外祖作縣官。妾生西五

歲。隨宦錢塘閒。外祖每退衙。抱妾如抱花。手捋外祖鬚。

不思孃與爺。十二妾母死。妾復歸鄉里。阿爺得後妻。嬌

女不愛喜。縣城外五里。赫赫稱 家。兄弟皆 生子

好丈夫。十三媒人來。來言翰林子。阿爺告後母。母謂速

許是祖父聞之怒。怒爺不告已。 家雖 乃是

人寄居在城外。作官在京城。將女嫁遠立。不如汝弗生。

後母告阿爺嫁女自由爾。家真富貴，勢力不可比。嫁女得家，有何不及爾。吉日聘禮至，跳脫雙黃金。綵緞十八匹，黃金爲兩簪。金簪安髻頭，賤妾難自由。綵緞未著身，已作飄零人。阿翁死，葬費百萬錢。猖狂構禍，

患賣屋兼及田，乃有氏子先自來稱曰九叔。

狡猾豪奴才，請九叔一年相墳宅。當此賣屋時，索

金歸故國，迫無計。乃與九叔言，昨歲聘一婦，居在

縣城門。我計迎之歸，隨汝歸故園。貨爲富人婢，亦得數

百緡。婦家有我在，我自與計論，使人告阿爺。將入

京，郎君在京城。新婦可隨行，阿爺告後母。後母謂可從

張亨甫全集 卷五 七

汝女今十四，不知修禮容。渠翁官京城，十年未易逢。渠

婿卽年長，難得回里中。養女大不嫁，怨爺不怨翁。不如

遣之去，遠信亦得通。數日車馬來，具言迎新婦。祖父意

躑躅，強笑牽妾手。小婢曰水雲，八齡頗媚嫵。大婢曰春

蘭，通曉年十五。二婢伴兒去，安心住。府伯叔復來言，

兒今歸。府善事翁與姑，家門毋辱侮。舅氏亦來言，我

聞外祖道，京師實苦寒。曉起兒莫早，後母屢傳呼。車馬

相待久，喚妾換衣裳。催客盡茶酒，一日至。家兩婢侍

左右，三日更會親。備請伯叔母，八日言。我本欲之

京，一歲服未除。茲遣汝先行，有我親九叔。與我爲弟兄。

彼自善視汝。與汝同北行。九日兄來送。十日早起程。九叔車在前。官銜搖車旌。兩婢車在後。轆轤追蹄聲。妾與阿兄車。兩兩中閒行。遙遙出畢節。漸至貴州城。阿兄憐憫妾。宛轉同哀啼。數夜不得寐。萬里悲生離。得到貴州城。已越十日期。卸車買輕舟。阿兄乃泣辭。一言妹自愛。再言不得隨。語聲哽未卒。馬聲風中嘶。轉言告阿兄。與兄有見時。兄今年十八。能文誰不知。安心事後母。毋爲祖父悲。更告伯叔母。不得常親依。大抵六七年。女兒必歸來。有人至京城。寄妹書莫遲。妹若有書到。憑寄外祖知。語聲哽未卒。馬聲風中嘶。水陸非一途。兩月過江西。

張亨甫全集

卷五

八

漸聞入福建。已到

街將言問九叔。九叔無一言。遂

至

縣來入九叔門。可憐女子弱。寸步不能奔。本云

至京城。何意在此閒。九叔在堂上。高聲喚水雲。汝今日

玉英。汝主曰錦春。但稱劉姑娘。其他不得云。數日春蘭

去。不知歸何人。數日喚玉英。汝從劉姑娘。入城。氏宅

不得復出城。三日。氏媪教妾爲尊稱。髻者爲若主。某

某身所生。若宜稱小主。妾聞泣且驚。妾本儒家子。何得

供婢使。妾初來媪宅。九叔云遊耳。媪變色言。有何

九叔。彼乃。氏子。慣將人販鬻。汝作我家婢。何得是主

客。可憐女子弱。寸步不能奔。本云婚京城。何意賣此閒。

投繯被解放。飲淚爲朝餐。夜夜有歸夢。不知河與關。天  
高願下聽。鑿妾摧心肝。翰林報我家。不知爲何言。定言  
我身死。不復在京城。哀哀日復日。九年裂肝腸。一朝託  
君子。陳怨訴其詳。君子本通儒。定當閱此情。君子賢子  
少。早列賢書名。行當作官去。必到北京城。倘逢畢節人。  
爲妾說平生。

光澤西門外。有先朝某令及其妻女遺塚一區。塚  
上一石。中隱如月形。常隨月圓缺。邑人以爲異  
也。予感而賦之。

一片荒墳石。年年肖月奇。圓痕畱寶鏡。殘影黯蛾眉。故  
張亨甫全集

卷五

九

國滄桑久。先民井邑移。縣治舊在城東里。許後始城於今治。青燐風雨夜。  
愁絕鶴歸時。

繡草廬坐月。雨農舍人別業也。

高梧抗亭館。早夏似涼秋。竟夕天邊月。照人池上樓。山  
雲靄初出。澗水激仍流。清切烏君在。思從徐仲遊。

題烏君山石壁。五月七日寅齋雨農巖山同遊往還凡四日。

蒼蒼萬石。蕭蕭百泉。山風夜至。明月在天。

宿飛泉巖。在烏君山中。原名會仙。

石壁一千仞。飛泉冒作煙。樓開瀑布內。星在客衣邊。孤  
月行雲海。高風動夜天。萬峯俯看盡。嵐靄合蒼然。

將之福州與寅齋先生話別

明月照滄海。清輝千里同。我乘布帆去。天末竚涼風。鸞鶴故山遠。煙波獨夜中。還思風雨夕。樽酒意無窮。

繡草廬雨夜

時予將之福州

涼雨山城夕。孤燈與客親。遙思故園夜。又是遠行人。骨

肉相違久。風波獨往頻。他時更相憶。倍損倦遊神。時與寅齋

雨農厚葺金門諸友相處匝月

留別雨農舍人

六年四泊晉安舟。此去依然訪舊游。豈謂風塵遲宦達。却隣歲月屢淹留。烏君夕照連雲暗。螺女江聲入海流。

張亨甫全集

卷五

十

別易會難惆悵在。後時兩地各登樓。

自水口放舟至竹崎所

石盡千灘險。山迴一水長。青垂橄欖盛。紅想荔枝香。雲日高輝映。江天遠混茫。魚龍正安穩。恣意纜輕航。

夜渡洪山橋

潮落夜江清。風帆去有聲。大星垂積水。遠靄合孤城。題柱才原乏。歸田賦未成。堪嗟衛叔寶。多病獨宵征。

偶記福州風土一首

閩俗真殊異。遺風自漢唐。手香籠茉莉。齒黑嗜檳榔。阿囝誰能賦。訶黎不可詳。家家愛魚菜。別是海人鄉。

聽彈琵琶

海上孤城暗落暉。關河蕭瑟雁高飛。秋風千里思歸客。  
一聽檀槽淚滿衣。

綠璃屏角隱秋燈。簾捲高樓見玉繩。聽盡忽雷聲慘澹。  
人間流落鄭中丞。

我亦天涯送客還。荻花對酒悵斑斑。四條絃子空江上。  
容易秋風損玉顏。

心結箏絲大可憐。樽前切切感纏綿。頓家長板橋南院。  
明月清秋已百年。

武平鍾秀才峯來予寓邸索詩不值屢矣而來益

張亨甫全集

卷五

十一

勤於其歸詩以送之

十二慕劍客意氣常縱橫。十六籍博士酒後好論兵。三

十覽形勝東南幾徧經。上讀聖賢書下觀當世情。醉談

天下事聞者笑且驚。嗟君何所擇聽采因虛聲。君自云於邵武

王君臣鶴李君在隴交因知予作詩非我志君意不可輕。古詩三百篇

其言和且平。離騷激哀怨。漢魏猶鏗鏘。六朝陶謝外。細

響多嚶嚶。維唐首李杜。力與風人爭。立言蓋深厚。一字

非遽成。垂輝映千載。後來莫與京。我思浣花翁。稷契許

平生。謫仙少豪俠。天子呼不醒。二公有大畧。乃破蟋蟀

鳴蛟龍在雲中。鱗爪誰敢撓。海深波浪闊。混茫元氣清。

感君示我詩爲君陳典型君時以所刻煙霞亭二集見惠西風吹鴻鵠  
木葉紛秋城嗟峨象洞山下有揚子亭相念在後日勉  
旃千里行

聽友人家伎彈琴感賦

金猊沈水散輕煙簾幕新涼好拂絃莫奏悲風兼送遠  
天涯秋色兩人前

吹到涼颿響落霞紅闌干外有飛花康郎何苦鍾山去

六代園陵日易斜

房相清名早罷官金徽摧絕董庭蘭不如消渴臨邛客

壚畔芙蓉一世看

張亨甫全集

卷五

七

送樸夫歸建州

鷓鴣雲中鳥比翼常並飛離離溝中水東西欲何爲與  
君交五年我疎君則專一歲一相見會面亦已難天涯  
又分手惜別盡樽酒踟躕復踟躕已去但回首秋風吹  
庭樹黯然關山暮落日暗寒江孤帆渺何處

大頂峯望海歌

八月廿五日偕上官寅齋先生長君近仁

夜夢看日危峯旁曉躡絕頂臨扶桑天光茫茫海蕩蕩  
羲和攬轡金烏翔天低入海海不動海勢出天盤青蒼  
朝霞倒影散金碧鼇背潮落秋聲長日氣水氣忽激射  
霞彩又似屏風張蛟宮蜃市屢變滅淡水隱隱連黑洋

任者紅夷旣跳梁孫盧小醜仍披猖廈門澎島實鎖鑰  
到今未可疎禁防我無手挽天河力安能海氛一洗無  
飛揚秋風蕭瑟捲駭浪滔滔萬里朝谷王千帆疾下若  
去鳥願汝鯨鱷毋相當作歌長嘯撫崖石白雲冉冉流  
衣裳

○靈源洞

洞口秋光夕照邊荒亭石道響風泉松聲忽忽壁閒雨  
江影茫茫巖下天好事摩崖多歲月倦遊隨地過雲煙  
一杯且復啜山茗四望了知空古賢

○臨滄亭

張亨甫全集

卷五

三

海水連天不盡流誰知俯仰亦神州層山遠影皆成黛  
落日寒光忽送秋常恐蛟龍能跋扈且看魚鳥各沈浮  
空青一髮扶桑暝信有羣靈未可求

扇上書

一飲瓊漿便去休雲英早向玉京遊尋來杵臼樊姬在  
惆悵元霜百日留

羅襪香銷蜀道還海天何處覓蓬山金裝紅玉方無恙  
怕看筵前謝阿蠻

法曲新翻舊羽衣瑤光人去獨春歸燒槽試聽流珠譜  
一夜梅花作雪飛

少歲歡娛似夢中傷春傷別太匆匆紫雲縱許司勳問  
已向湖州見落紅

六亭先生今年七月竟死於臺灣初調任時先生  
本不欲往大吏以修郡志強之行及是聞訃爲  
之慨然

萬古鯤身水昏昏接黑洋可憐衝瘴癘不復返家鄉魂  
往魚龍泣官貧道路長何時看歸骨鹿耳已秋霜

白髮難重見遐荒足涕洟死惟一子侍先生渡臺時  
祇攜幼子名

悔長官知大海風波惡清秋日夜悲空餘磨鏡具征帆  
孰東馳

張亨甫全集

卷五

古

留別寅齋繁露兩孝廉

故人各騰達熊君拔才藕亭先生令弟光澤饒君  
湖田則寅齋先生弟子也今皆同榜此別

慰飄零瘴老巒實白天寒海日青聲名看不負得失苦  
多經霜夜聞吹角因愁兩地聽

○九月八日未涯送予出南臺遂過浦西所居次早  
復偕至洪山橋飲別於畹芬家作歌

大江西下如游龍蒼然秋色來雲中登樓可以慰離抱  
況有玉顏金管交相從三十封侯亦細事誰能戚戚縈  
心胸安石一出屐齒折不如絲竹擁妓東山東美人爲  
我歌遠行將奈何人間何處無風波此去焉避龜與鼉

卽今畱我看明月，明朝對月悲關河。煙帆一葉載將去，錦纜曉繫枇杷樹。却望南臺共一江，江水悠悠人何處。黃叔度，張紅橋，命酒送我吹瓊簫。看汝兩人思昨宵，天清地迴好重九。名士美人惜分手，聚散可憐江上鷗。富貴何似杯中酒，我今騎馬歸故鄉。秋風千里吹衣裳，深山大澤容我狂。勳業不羨異姓王，惟有別時經兩地。夢魂愁繞海天長。

○九日閩江舟中作

三月辭家九月歸，孤舟九日欲何依。一天秋色雲將夕，滿地風波雁不飛。擊楫尙憐豪氣在，棄襦應識少年非。

張亨甫全集

卷五

五

故園誰縱登高目，叢菊飄零自落暉。

至將樂欲游玉華洞不果

昔聞水南郭，古洞闕幽遐。杳杳一雲氣，蒼蒼千石華。不成憇青壁，有夢到丹砂。爲報山中月，今宵莫早斜。

送舒二

懷

繼元往湖南

半歲嗟離別，歸來復送君。鄉心章貢水，

君原籍臨川

秋色澧

湘雲斑竹應畱怨，幽蘭孰遺芬。扁舟卸帆日，爲報故人

聞

○秋風曲八首

海上秋風又十年，哀蟬落日感纏綿。高城砧杵寒先到，

永夜闌干月自圓。金鵲鏡清依瘦影。玉鸞琴冷斷孤絃。  
傷心莫向天涯望。赤鯉滄波總渺然。

屏風十二擁瀟湘。九畹蘭根只自香。雁到衡陽書竟斷。  
雨昏巫峽夢偏長。英皇誓死從虞帝。神女灰心戀楚王。  
爲憶娟娟斑竹淚。不堪搖落正秋霜。

蕭晨眺遠意堪哀。欲託微波去不回。西北浮雲何汗漫。  
東南孔雀正徘徊。漢家未許金爲屋。魏闕曾歌火照臺。  
聞道文園消渴甚。長門詞賦少良媒。

色命相妨福未齊。蕭條門巷但烏啼。鬢絲瑄鳳爲誰散。  
眉黛凝螺久自低。大士高居連白社。小姑獨處怨青溪。  
淒涼贏得神雞伴。冰簟依人曉夜棲。

張亨甫全集

卷五

六

金壺浣淚洗紅冰。薄倖空勞繫赤繩。陌上羞歌秦氏曲。  
筵前苦憶寇家綾。蕭蕭別恨關門馬。黯黯離魂水閣燈。  
惆悵迴腸如棧道。劍門西繞一千層。

人閒謠詠嫉蛾眉。寂寞金堂悔可知。教妾廿年貞不嫁。  
望君千里見無期。明珠寶帳新歡寵。紫玉殘釵舊匠悲。  
二十四橋橋上月。鳳簫幽咽已多時。

黃金不解賄丹青。欲請單于紫塞行。每夜篋篋憐夢斷。  
多年絲竹激秋清。真愁奔月無靈藥。未信隨風有結纓。  
回首六朝香粉地。瓊花凋盡石頭城。

簾捲高樓白露寒。繡襦涼冷五花盤。人憐趙后如紅玉。  
天遣班姬泣素紈。棊局當心平不易。闕碑銜口語應難。  
秋風蕭瑟明河遠。何處雙飛問彩鸞。

金門於福州八月病歸卒於水口舟中予至家後  
始聞訃心痛累日雪涕爲哀辭不復知其工拙  
也

何遜今長逝。魂依碧水濱。死生皆異地。石尊甫攝山東  
臬篆時君生於

署中福命薄斯人。天與年何促。才空世所珍。可憐蓋棺事。

獨有一兄親。卒時惟仙洲  
六兄在側

灑落詩千首。才名自少時。狂於壯年減。心與古人期。一

張亨甫全集

卷五

七

病無歸日。千秋孰可知。夜臺好友在。雪涕對南池。高隆  
程字

南池君長兄女倩以舉人任山東東阿  
縣今夏卒於署與君在日唱酬莫逆

浮雲看富貴。十載臥空山。豈戀科名好。堪嗟道路艱。煙

霞催死別。魑魅奪生還。應共黿鼉泣。江楓一夕斑。

爾臥秋城日。相看疾未深。那知長別語。竟盡一人心。八  
月

十六日予出闈聞君病勢稍重亟趨往視則病似甚輕  
起坐皆自如次日復往視因顧予長歎曰恐與故人從  
此長別矣予好言慰

之不料其果至此也藥餌應多誤。風波况易侵。登舟吾

不視。遺憾海雲陰。

七尺封侯骨。桐棺薄殮休。書遺三女續。詩待兩兄收。君  
弟七人今惟五兄厚莽

孝廉六兄仙洲秀才。日自寒丹旆。天難問玉樓。傷心

弔騷魄不必楚江頭。

○嘉慶丁丑九月同邑李古山先生卒庚辰侯官謝退谷先生長樂陳惕園先生卒道光辛巳正月古山先生孤孫實敷卒二月閩縣何希修先生卒四月歸化羅躔書卒今年壬午七月德化鄭六亭先生卒八月而金門又卒古山退谷惕園希修四先生家貧特甚實敷年二十一聘而未娶躔書年未及三十金門年未及四十皆無子而六亭先生又與金門同卒於異地其皆可哀也已既哭金門以詩追念平生故人不勝黃公

張亨甫全集

卷五

六

酒壚之痛輒復賦此

莫聽鄰家暮笛聲百年一瞬淚縱橫凋零謝傅哀親故貧賤朱暉愧死生白馬樞前難踐夢隻雞墓下敢寒盟卽今處處秋風急關塞青楓日夜情

憶石臯巖寄彭伯壩

五嶽思看去尙遲舊遊禽慶亦睽離方餘一事堪惆悵石壁無人月上時

閱顏刺史美人新詠聊寫六首非賦艷情也

苧蘿山下浣紗津共說東施有舊鄰能愛玉顏愁更好

效顰人自足千春西施

學士才華狎客儔。孽箋秘殿總風流。他時惟有青溪宅。  
江令歸來已白頭。袁大捨

江頭步障尙依稀。魏闕吳宮事已非。一片漢家舊時月。  
千年畱與照蟬磯。孫夫人

蓋世英雄自絕倫。楚歌四面夜傷神。如何國士皆亡去。  
帳下應慙殉美人。虞姬

歌到春風楊柳詞。上林移種永豐枝。尙書垂老詩名重。  
天子憐才此一時。小蠻

桃葉歌成古渡傳。風流六代競相沿。莫愁湖水青溪路。  
今日春光總可憐。桃葉

張亨甫全集

卷五

十九

張亨甫全集卷六

癸未

建甯張際亮亨甫著

夜泊聞笛

綠淨澄波似若邪。扁舟泊處月初斜。東風一夕聞吹笛。落盡春江兩岸花。

竹崎關阻風是去年何金門亡處

死別難重見。天涯我復過。乾坤自風浪。魂魄此關河。命惜奇才薄。哀遺弱息多。春流不堪問。灑涕對悲歌。

○三月十四日星槎內兄以鱗魚招飲卽席有作

忽忽春光展已過。共爲羈旅悵關河。一城風雨開樽晚。張亨甫全集

卷六

一

三月鱗魚上市多。少賤子公頻丐償。佯狂仲孺久蹉跎。天涯落盡桃花片。那得相逢不醉歌。

書院作視樸夫敦復

江雲海霧作春寒。院外梨花落欲殘。如黛青螺好山色。不如歸去故園看。

陳大秀才蘭泉

日新

偕其友林君鄧君歸沙縣口

占送之

郵亭握手唱驪歌。苦欲畱君去奈何。莫向天涯更回首。春風三月落花多。

○讀五代史偶作

阿鞞披猖禍未終。山東藩鎮劇相攻。亂離那識眞天子。  
跋扈皆爲一世雄。戎馬北來爭洛下。衣冠南去竄閩中。  
可憐夜半焚香語。猶是辛勤聖主風。

○蜀昭烈帝

髀肉摩挲涕淚頻。江東河北盡烽塵。地雷隴蜀存炎漢。  
天廢關張助敵人。嗣子可憐憑佐輔。老臣他日獨艱辛。  
大桑古柏蕭森長。祠廟於今尙有神。

○魏武帝

洛陽烽火照長安。誰使高皇土宇殘。喪亂若爲當世用。  
英雄能並使君難。終教銅雀憐諸伎。早信黃龍識五官。  
張亨甫全集 卷六 二  
七十二墳斜照滿。魏陵還比漢陵寒。

○吳大帝

二袁蕩覆問江東。國勢分明未可攻。已許和親要蜀帝。  
尙勞降表結曹公。白衣人怨兵中櫓。赤壁天憐燒後風。  
至竟不關生子事。蠟磯能殉實英雄。

黃君壽秀才 元中 歸同安爲作

廈門接南粵。鮫客幾揚舫。地敞鹽田白。天迴瘴海青。君  
歸看浴日。高臥草元亭。想見逢朝霽。扶桑在枕屏。

松風堂懷李忠定公

天津橋上鶉啼哀。白雁朱鳥哀西臺。江山兩宋久銷歇。

偃月半閒安在哉。閩中畱得此堂古。晝夜長松吼風雨。  
可憐白髮老臣心。摩挲龍鱗手種樹。當年辛苦諫和議。  
書生獨任專城寄。敵騎未飲遼左泉。誓書已割河閒地。  
但言主戰罪李綱。誰知勁寇終披猖。金縉有盡禍無盡。  
紹興事勢如靖康。淒涼二聖淪五國。天顏萬里歸不得。  
老臣遷謫猶故鄉。泣望宮車日無色。烏虜當時天下原。  
可爲四將材。武如熊羆。宗澤張浚皆偉奇。公之謀略足  
總師。乘輿早西據關隴。襄樊置帥相維持。一軍淮南一  
江上。犄角戰守隨勢宜。尺城寸地弗與賊。歲幣以勵將  
士疲。徽欽必返國。必復。豈致半壁安偏陲。光堯昏庸無

張亨甫全集

卷六

三

足道。權奸竊柄太阿倒。亦知冰霜塞北寒。可奈湖山浙  
西好。中原父老望中興。岳王讒死韓王老。如公先棄滄  
海濱。恢復空陳十疏草。英雄於世竟無用。東徹涕淚爲  
誰慟。錢塘宗社尙百年。自是人心未亡宋。颶風他日傾  
崖山。龍種不駕鼉梁還。此堂門亦臨江灘。公魂應哭投  
蛟鼉。舊詩淒清宛可誦。來薰海月亭交環。堂在今南臺  
寧寺舊有  
來薰海月二  
亭公皆有詩卽今老松摧折久。六陵冬青亦無有。君臣  
遺恨各千秋。廢地何勞怨倭醜。堂明季爲  
倭寇所毀閩山高高閩  
海清。桑梓萬載畱公名。我亦生爲昭武人。訪古未涉梁

溪瀕。歸尋五曲祠堂水。邵武公祠在城  
內五曲水旁一洗熱腸薦香

芷招公毅魄向天南。

公葬侯官縣十九都大嘉山今名李公山

蕭森古柏長

風起

邵武公祠古柏一株極盤鬱可愛

六月晦前一日舟發洪山橋至水口漫作

飽却鱗魚與荔支。

是日朱淇楫內兒爲念張衡上道時爲經紀歸裝甚備

故人猶有朱公叔。

去年九日買扁舟。

豪士佳人勸醉休。今日歸時各難見。

可憐江水尙悠悠。

去歲重九下第歸諸友攜酒伎送至洪山橋

百蟲一夕作秋聲。

支枕空江夢不成。容易歲時難得醉。

醉教惆悵到天明。

七月初一至水口日舟人爲置酒

月夜所庵先生令弟美叔

灑然

秀才寅齋孝廉家

張亨甫全集

卷六

四

巖山兄小集繡草廬

聚散殊難定。樽前且醉歌。爲看賓主好。轉覺別離多。

水喧風夜。秋天耿露河。不知淮上客。誰共對金波。

雨豐時往

鳳陽

螺女江頭酒。雷痕尙滿衣。夢醒天正遠。秋與客同歸。

月看生事空。山欲息機。故園好泉石。暫此接清輝。

贈上官二懋誠信

銜石空勞海。自波身如靈鳥欲如何。嵇康幽憤家難問。

阮籍伴狂淚總多。夕照川原悲落葉。秋風樓閣望明河。

別來天地皆蕭瑟。酒後相看一醉歌。

水仙引月夜聽高二任卿彈琴作

驚風吹水水漫漫。白日入海蒼天寒。空青千里氣不盡。  
黑鴉影沒三神山。冰夷嘯浪老龍出。大蛟小鱣啼秋湍。  
仙乎仙乎胡不還。刺船一去遺我歎。遺我歎。腸斷續。高  
生指下傳此曲。千年海上玉蟾冷。一夜流光照修竹。長  
鯨蹴踏滄波高。來向君家雪壁屋。我欲抱琴戲蓬萊。屋  
市鮫室嘻危哉。請君更奏還舉杯。仙乎仙乎海中不可  
以久處。盡與鳳鳥同歸來。

○至光澤刪定金門遺稿追感泫然却題

大雅今稀正寡羣。芳蘭又折感遺芬。國中此日無顏子。  
張亨甫全集 卷六 五

天下當時有使君。落日故人悲玉笛。西風新鬼唱秋墳。  
插簪散髻風流盡。真是王家死後文。君已卯寄示詩集  
有王儉定文在土

簿

丁年樵水定交初。丁丑秋訂  
交於郡城兩度雲山過草廬。秋色再

來誰是主。天涯一別獨愁余。孤孀說夢魂應在。予將至  
光澤君

示夢家人  
搜其還草弱女扶床病未除。時君長女  
方示疾回首綠樽紅燭

夜。瀟瀟風雨悵何如。

雨宿新城郭外十五里田家中見月有作

秋風扇江海。雲雁皆紛飛。遷延天涯客。日歸猶未歸。數  
月晉安郡。十日杭川陲。昨初戒徒御。復此愴路歧。衣裳

霖雨濕床褥無地治。夜臥篋輿中。醒覺蚊蚤欺。蕭蕭土  
銼煙。耿耿茅檐輝。起視正殘月。四壁聞蚺蟻。人生苟失  
意。焉用親串知。慷慨竟夕歌。遠游悔可追。

感賦

今年使者出

京畿。散粟千倉賑歲飢。何意江南民困後。辛巳吾聞與六省皆大飢

癘疫互作更同薊北水荒悲。秋風楚塞哀鴻雁。夜雨吳天長  
鯉鱉。同是

至尊胞與類。諸公母恤告流離。

張家甫全集

卷六

六

寄雨農舍人鳳陽

秋波起淮泗。落葉楚天長。一夜聞征雁。關河盡曉霜。高

風官閣晚。寒日客衣涼。雲白山青在。何時返故鄉。舍人家有

青山白雲樓

寄懷姚石甫

瑩

明府鄉人自福州歸言明府方渡臺灣念之悵然

萬里碧雲外。孤城滄海東。夫君去天末。旦夕獨秋風。我

自弄瑤瑟。故山明月空。欲從采蘭芷。先與報飛鴻。

送秋

容易年光似水流。久傷春盡況傷秋。蕭蕭紅葉疎門巷。

慘慘黃花散酒籌。瀟灑正如多病客。寂寥思共定僧游。

東風自別無消息。目斷西風又去休。  
秋蘆花盡見江潮。一夜天寒海燕遙。風雨最難忘九日。  
夕陽苦與弔前朝。歸經楚戍悲山水。歌罷汾河怨鼓簫。  
回首凋零何限恨。秋魂秋色兩迢迢。  
露華交代作霜威。佳日登臨舊興違。歲暮一年人自老。  
天涯千里友誰歸。山中叢桂畱雲凍。嶺上寒梅破笛飛。  
莫問玉關征戍客。雪花從此打弓衣。

夕陽

風急夕陽沉。千山暝色深。孤雲無定態。高鳥有歸心。樵  
牧回村巷。柴門對遠林。蕭蕭看落葉。惆悵歲寒侵。

張舜甫全集

卷六

漫書宋史

真人望氣已先知。點檢功高更不疑。驛裏黃袍應自笑。  
宮中玉斧竟何爲。但聞愛弟傳餘祭。豈憶先君舍與夷。  
回首臨安瞻孝廟。昌陵風雨久淒其。

寇弭澶淵釁未消。中原從此忽天驕。一廷洛蜀爭三黨。  
百戰金元做兩朝。莫怨悲歌來白雁。堪嗟亂首起青苗。  
宣仁社飯誰能憶。紹聖明年已寂寥。

熊二拔才 允成

孝廉歸自都門。枉過敝廬却復送。

別

故人燕關至。復此嚴冬時。昨別能幾日。蕙華淹已衰。蚊

龍吳楚驕鴻雁江淮悲天涯風塵色下馬畱征衣旣話  
道路感因憐愁病滋開尊屏不御僮僕屢告駟出門暫  
攜手仰見雙鳥飛川原正落木一去餘斜暉交親別離  
切年往歡會稀却嘆山申月今夜來爲誰

西溪曲

西溪者何自建寧至順昌上洋口也孰謂之建  
寧南鄉之舟人也鄉人操舟名以事區工以力  
計語有諱字器有異稱故采其大畧作西溪曲  
凡十首此於竹枝樂府遺意云

儂家住水西送郎往西溪長將溪日月照人水西啼

張寧甫全集

卷之六

可憐家裏塢不復知外邊生憎三灘水流得近郎船  
水西裏塢三灘確頭長吉皆舟人所居村也

宛宛連雲橋高高青雲閣閣下好灣船橋下風波惡

連雲橋青雲閣皆在邑北關外舟多泊於沿閣上下

黃竹絡青箬一船蓋三篷儂願作弔波爲郎障雨風

弔波亦篷之屬常附繫篷底遇風雨則下繫以障焉

小漿溪雖險不如大漿溪併過坂孔去綠波如琉璃

合兩舟梢公共放一舟口併坂孔屬泰寧西溪極險  
灘也在大漿溪下

蘆菴關刀石年年愛打舟莫是三門水儂郎須併頭

謂梢公曰放頭併頭合兩舟梢公共操一舟也蘆菴  
險於坂孔有石扼水如刀謂之關刀嘴常破舟故併

頭遇三門水則舟行與石遼乃不併焉三門水謂水大漲不則謂之頭門水二門水皆舟人語

郎船過常口。灣船買新竹。不知儂相思。密密竹節續。去仗龍興子。不怕灘與磯。多買師父箴。郎船穩載歸。  
謂斧曰龍興子師父篋篋之屬也

上灘船初來。下灘船初去。上下多同鄉。呼名各相顧。下灘如下海。上灘如上天。下灘愁半月。上灘愁半年。

○奉何厚莽 長載 孝廉

綺歲飛騰氣絕倫。十年厭踏薊門塵。君家昔本八州督。

此筆今之六代人。鏡裏淚花悲往事。君悼二姬有淚花賦極佳夢中

芳草失前春。令弟金門去年卒共誰沈醉街西第。棖觸平生莫

損神。

蘇東甫全集

卷六

九

建甯張際亮亨甫著

○正月九日邵武試歸宿山口驛見梅花

試院東偏一樹花。昨來曾見影橫斜。更逢疎葢垂官驛。倍使歸心感歲華。寂寂山空明落日。蕭蕭風晚噪棲鴉。故園春色知何似。酒罷巡簷獨憶家。

哀流民

○癸未東南諸省大水。楚災尤劇。其流民丐入吾閩者。日至百人。飢寒困頓。或死於道。所見若此。他可知也。爲賦此詩。冀當事聞而加憫焉。

張亨甫全集

卷七

辛苦湖湘客。飄零異地春。龍鼉驕歲月。雞犬共風塵。道遠思家失。年荒就食貧。東南半漂蕩。何限此流民。

○賈生

賈生當日實高才。却宦長沙久不回。天子本談黃老術。功臣何止絳侯猜。過秦有論言誰聽。弔屈無情志自哀。千載龍門留持筆。一篇傳合楚騷裁。

過挽舟嶺述感

予正月十二過此嶺。今二月二日復過焉。

東髮多感激。倦游知故園。復茲歷崎嶇。回首心茫然。向生有婚嫁。揚子無區廛。非能棄鄉里。庶自謀逋漶。登高惜日月。眺遠悲關山。丹崖變落照。幽谷懷新煙。攀條葉

水。泓。聊。澗。泉。已。涓。觸。緒。既。永。歎。撫。時。迺。迅。遷。來。蹤。悵。又  
邁。往。躡。追。徒。頰。幸。當。告。僕。御。邦。族。終。言。旆。

秦寧至將樂道中雜感

秦寧城外日高時。宿酒初醒欲去遲。君看秋風舊楊柳。  
今朝吹出碧垂垂。

綠到溪南第幾峯。畫簷聲裏雨濛濛。一年春色難忘處。  
又是桃花日暮風。

盎盎黃金散野田。兒時曾喜菜花天。帽簷插徧雙親笑。  
惆悵春風二十年。

建昌西下白雲多。章貢春深水正波。一送征帆能幾口。

張京甫全集

卷之七

日斜回首各關河。

伯兄正月廿六適燕

帳下聽歌已十秋。春風重感到林邱。翻教兩歲輕爲別。

送我臨行雪滿頭。

何臥雲夫子壬申癸酉館予里中朝夕從游今癸未甲申復館予里而予

兩歲皆游福州也

故里雲山悵阻遐。征鞭此去況天涯。他時屈指相思日。

又落東風一度花。

予家距藕亭先生里百里自壬午冬松谷別後至今未一見焉

當年何金門李實敷實高才。相見花時每舉杯。不信萋萋徧

芳草。王孫何處不歸來。

光陰十載竟悠悠。感舊懷人愴旅游。莫向龜山祠下望。

李花如雪水如油。

過漳源嶺

飛鳥不到處。天光皆下垂。雲霾千仞壁。火燒萬年枝。瀾  
落山多響。風高日易移。復與六來往。未敢怨艱危。

夜泊城門瀧大風

山暗大風鳴。蕭蕭草木聲。魚龍翻峽黑。星月湧江清。客  
夢寒偏覺。鄉心夜久生。併隨流水在。百折繞灘驚。

次日阻雨復作

舟行迨百里。水次已三宿。征途信淹留。鄉思切羈獨。滄  
波渺無際。白雲莽相屬。迴峯互蔽虧。天光斷遙矚。東風  
飄零雨。倏倏動崖谷。薜荔暗長煙。山鬼笑寒綠。幽碕昧  
昏旦。去跡逃川陸。空悲沙鳥飛。不送關河躡。艱難本寡  
歡。進退誰能卜。方將永言邁。委懷幸毋辱。

張稟甫全集

卷七

三

延平舟中寄懷四兄荆玉兼柬朱雅懷權秀才

江上青山出劍州。煙波凝碧使人愁。故園春望空相憶。  
不見桃花日暮流。

花朝後一日聞江舟中口占

昨阻風水口今早行  
數十里換小舟復不

得進蓋上流舟自西來  
而連日皆東南風故也

李花飛徧雪濛濛。春在微茫夕照中。休怨峭帆江路遠。  
天涯能幾日東風。

是夜舟中對月復口占一首

此水自何代。此月自何年。茫茫歷萬劫。置我孤舟前。推  
篷獨坐眺。浪底翻青天。星芒一百丈。倒射波淪漣。白氣  
霧渺漫。黑影山蜿蜒。恨無吳剛斧。手割橫江煙。試猜江  
神意。要穩魚龍眠。沙岸杳已沒。花船去可憐。以伎舟渡  
江者俗謂  
之花也春人有好夢。應落空濛邊。且復取酒酌。醉弄銀蟾  
顛。千載後此夜。將誰憶我先。

春夜聞雁

冰雪時看盡。關河夜却飛。高鳴應自惜。倦羽復何依。瘴  
海波濤濶。春江蕨筍肥。天涯無限客。愁汝此堪歸。

上巳微雪

張亨甫全集

卷七

四

二十五年過上巳。眼看作雪始今朝。城空凍地羣嘶馬。  
野曠低天獨去鷗。霸國關山陰漠漠。春風江上晝蕭蕭。  
高樓坐對梨花久。一樹隣牆黯不消。

黃石齋先生先塋篆碑揭本歌。爲陳熙臺廣文作。

辭曰。烏虜是我贈考。青原黃公之墓。於虜公履  
仁導軌。隱德藏器。乃不於其身。於其來嗣。烏虜  
公逝蓋十八年。乃膺錫命。明年乙丑。文母旋自  
京師。乃塋我公。有明年文母則逝。明年丁卯。始  
合塋於茲。烏虜惟二人。乍德節我來人。亦惟來  
人乍德。我二人其享之。於虜永世念哉。公行十

九小諱季春字嘉卿銅陵人以字行生甲辰徂於丁未妣陳氏行三生戊申徂景寅蓋百四十歲塋於縣北之州市山子長士珍次道周是肇封假於有廟時丁卯天啓七年男道周志

麻衣泣血啼夜烏淚花哀蘸松煙枯蛟鬣鏡出負屬肩塚上百靈不敢趨青原仁德餒來嗣爲臣若子節倬殊憶昔天崩白日圻煤山痛號如鼎湖渡江五馬不化龍龍種攀附叢妖狐已聞青蓋去鐵甕豈保黃屋安海隅封狼生罷互驕蹇爪牙跋扈誰鞭驅不歸誓墓重負國九鼎要以一手扶義旗慘澹蚩尤走載先帝靈章貢呼張亨甫全集

卷七

五

南人下泣北兵用丞相一朝乃纍俘孝陵中夜大星吼英魂死對香楓株福王旣敗孝陵松柏伐盡餘楓樹一有僧簿茅其下顏日香楓菴餘事見本傳至今北山二百載父老涕滿遺碑孤玉皇却遣雷洗濯電火失燒難再摹平生著述半晦沒先生有遺集百卷今尙未能梓行一碑豈曰非區區廣文得此置學署字奇石鼓無模

糊爲言揚本祇數十作歌要我慙韓蘇頗聞建州寶墨

跡山精畏見潛藏逋建陽書坊里某家有公手書二幅每遇民家鬼魅作祟借去懸之其

怪永絕但令合刻更示後足與文廟峭嶮俱福州府學明倫堂壁有重

勒峭嶮碑頗佳徽宗行草少溫篆福州城外山中有宋徽宗行草石碑字頗秀逸又李陽冰

篆在烏石山般若臺予欲揭而共藏之皆未得也我力莫致同嗟吁却思十葉

舊園寢。昌平掘盡千珠襖。荆榛隧道徧樵斧。御碑仆作磨礪需。州市片石人共惜。可知忠孝貴不渝。眼前且須謹收護。上界恐復來取輸。不然疾風助急雨。連朝打屋夫何愚。

○福州三月晦日作呈陳恭甫夫子

鷓鴣恰恰亂春鳩。桐樹森森澗葉稠。花事竟隨風雨盡。江聲不變古今流。漢南山水思耆舊。鄴下觴歌罷讌游。日暮碧雲迴首望。故鄉西北有高樓。

今年九十日春光。縱酒經旬別草堂。烏阪落梅應怨笛。螺江曲水不流觴。正月由邵武抵里。旋來福州。上巳同人約游松風。以雨不果。登高

張亨甫全集

卷七

六

地徧煙蕪綠。望遠天連海。氣蒼萬頃波。濤空澗處欲凌。倒景問扶桑。

驛書昨遞薊門來。

天語如聞洛水災。息

蹕諸會空望

幸。謁

陵大使暫追回。

去歲詣省水災。復命今年止。

皇上既發賑矣。

東陵禮以明年舉行故事。幸熱河。蒙古諸部酋長皆來。

駕。幸熱河。謁宵衣自切

宮中慮砥柱誰看海內才。冉冉春光閒獨過。

翠華北拱日低徊。

六十慈親七歲兒夢中相見不成歸書裁素錦魚南寄  
水漲黃河雁北飛伯兄正月適燕計一劍堪憑俱道路

萬花爭悵點春衣今宵未有關山月肯照衡門舊蕨肥

俯仰乾坤一放歌天南春盡客蹉跎時看柱史猶龍少

名恥荊州比鯽多欲去歲華空歲月古來文采在關河

他時房杜吾當憶曾讀元經兩載過

過余二時纒潛十秀才齋觀雁宕山圖志漫作

昔年二十一嘗登雁宕山留詩答山靈醉語不可刪自

歸今五載藤蘿無由攀披圖認兩谷宛在巖壑閒墨光

積怪異石骨鏡蒼頑千年靈湫瀑出紙來清寒自疑失

張亨甫全集

卷七

七

至寶歲久仍我還又如入夢寐神馬騁重巒高言未敢

吐恐觸龍鼻蟠靈巖及龍鼻洞小語却憶荒菴飯齒牙

餐雲斑枯僧愁雨臥甃和雷聲闌再游祇有約風貌非

少顏慙照錦水溪況乃貲糧艱覲茲屢莫致求此志數

緣豈真天慳幽齋共快日徧覽兼文翰鬪奇笑命筆寶

公忘老孱諸城寶東臬先生為浙江學使過山中嘗云

福州觀燈

明星落天光萬丈萬二千箇一聲響翻空更訝九日行

閃爍乃是千珠晃裁紅縷碧誰為工為蚌為象為魚龍

錯疑天孫手剪雲錦十萬匹片片撒在爛光香靄空濛

中金鏡玉管尋前後。又疑三郎手拋羯鼓催出百花放。  
唐宮是時城頭角吹高。風聲馬聲人聲樂聲交切嘈。青  
天皓月人不見。但見一燈仁起一燈又出千燈萬燈滾  
滾如波濤。七閩本海國。平地陡湧海市蜃樓與鮫室。巨  
鼇跋扈駕山來。鱗甲照耀雲頭黑。枝枝火樹擁珊瑚。三  
街六巷盡作珊瑚色。珠翹翠鬢各垂簾。燈所過處一齊  
簾捲風雨疾。絳蠟可憐亦有情。獨到簾邊光彩出。倦客  
看燈嬾看人。竊向士女微歎息。吾聞去歲水漲吳楚飢。  
天子賜賑爲民悲。汝輩縱幸免漂溺。兩載瘴癘亦已夷。  
辛巳壬午  
吾聞大疫  
張亨甫全集

卷七

八

嬉。我作長言告有司。狂夫迂濶不可喻。

雜詩

朱明變令節。青陽謝芳時。薰風扇芳草。千里何萋萋。我  
有所思人。乃在天之涯。逝將並方舟。偕子相邀嬉。江湖  
多風波。中藏蛟與螭。長恐一飄泊。性命輕鳧鷖。故鄉旣  
寡歡。遠望還涕洟。

鬱鬱高桐樹。上有雙鳳凰。不知何鷺鳥。擊之雲中翔。芳  
條自葳蕤。不聞鳴宮商。我抱綠綺琴。山水音琅琅。一彈  
再三嘆。聽者爲慘傷。鳳凰當歸來。梧桐亦已荒。

磊磊南山石。鬱鬱千年松。松根結石骨。盤錯擎蛟龍。白

日若垂雲。青天生悲風。禽鳥不敢息。正色無春冬。不知誰家子。斧斤戕其終。以此梁棟材。爲彼樵蘇供。太息復何道。不如桃李容。桃李猶作花。年年西園中。

西望長安城。峩峩帝王里。宮闕切霄漢。出入金張子。七葉珥貂蟬。五侯相賓友。車馬何光輝。奴僕領羅綺。下士守蓬蒿。惡衣聊蔽體。豈不慕富貴。時運有終始。君看南山雲。何如渭川水。

東京有一士。常爲五噫歌。去之吳閭間。廡下聊婆娑。賃春豈云樂。辱身庶無佗。朝望姑胥臺。麋鹿鳴相和。西施昔行處。至今芳草多。霸圖且消歇。榮名將奈何。不見臺

張亨甫全集

卷七

九

上人。惟見長江波。

佳人姘朱顏。零落在空谷。容色豈長好。盛年感幽獨。昔日陳皇后。廼聞有金屋。恩義一朝變。長門怨何促。愛憎他人心。安能計榮辱。滔滔湘水流。嫋嫋風吹竹。二妃淚痕斑。蒼梧雲正綠。

仲孺醉罵坐。次公醒亦狂。不如阮嗣宗。口絕否與臧。眾人惡正直。賢者多謗傷。大道如龍蛇。與勢爲弛張。達人不可物。飲酒聊自藏。懷古有是非。撫時毋慨慷。

歐冶子鑄劍歌

赤墜夜崩鬼神泣。若邪倒捲作人立。雷公擊鼓割雲根。

萬年入地銅精出。溪山迸裂風怒號。銅精氣逼蒼天高。  
天帝下視不敢逃。命蛟龍捧紅爐燒。蛟龍坐變金鱗黑。  
四海水深歸不得。爐中一劍却如龍。光射山川日無色。  
當時鑄此歐冶子。鍊乾坤剛出春理。酒酣拔劍喝月行。  
銀漢忽傾星斗死。按運直舉不可當。影與流電相低昂。  
英雄莫笑一人敵。三尺竟削諸侯王。卽今歐冶豈復作。  
銷沈純鉤等千鏌。閩越爭傳鑄劍池。山靈應笑人穿鑿。

○ 秋風

天高日暮亂猿哀。短劍悲歌沛上臺。萬里關河吹木落。  
千家砧杵送秋來。洞庭波蕩湘君怨。汾水簫橫漢武才。

張亨甫全集

卷七

十

一別松江鱸膾晚。季鷹懷抱向誰開。

○ 秋雨

悲秋最怨二孃歌。寒雨瀟瀟水閣多。雲暗岱宗風更厲。  
日昏巫峽雁偏多。天孫別淚流河漢。山鬼離憂泣薜蘿。  
惆悵故人西去久。渭城柳色近如何。

○ 秋月

金風吹徧玉簫聲。萬戶樓臺一夜明。蟾湧海潮奔蜃市。  
馬嘶霜雪蹴龍城。荒關秦漢逃年代。故壘孫曹感戰爭。  
少婦高樓應未識。廣寒涼露不勝情。

○ 秋日

百年苦短欲揮戈。西陸義輪更速過。蕭槭風聲生草木。  
沈寥天氣慘關河。驚聞蟬雁光陰疾。閒散雞豚里巷多。  
日暮碧雲秋色遠。美人何處託微波。

○秋山

秋入高峯黛色昏。蒼然五嶽界中原。積霜寒奪陰山氣。  
照日斑回火谷痕。千古半藏名士恨。百年先散美人魂。  
送歸莫遣臨流水。落木蕭蕭暗郢門。

○秋水

淼淼澄波動漢泉。蘆花楓葉映週遭。黃河天影三秋小。  
滄海潮聲八月高。正詫谿涯難辨馬。漸憐蟹斃欲肥螯。

張亨甫全集

卷七

十一

西風落日中原望。滿地驚沙輓漕勞。

○秋霜

關山夜半露花麤。老馬悲嘶向曉驅。鴛瓦萬家天欲曙。  
龍沙千里草皆枯。清寒歲歲勞青女。白髮蕭蕭感壯夫。  
多少人間冤憾在。霜原六月不能鋪。

○秋露

河漢微瀾夕望深。高樓風露欲沾襟。三更氣冷看江月。  
一夜花開滿桂林。節肅天雷需物意。病多人結感秋心。  
茂陵蕭瑟金莖毀。千古銅仙淚不禁。

○秋煙

秋光半在有無間。潦水寒雲暮色殷。落日蒼蒼千里路。  
故宮黯黯六朝山。旌旗凍霧邊城白。草木燔原野火斑。  
霏徧荒墳爭慘澹。可憐都是玉人顏。

○秋林

泚泚流水暮江清。千里楓林夕照橫。何處蒼山鳴亂葉。  
幾回平楚眺寒城。冬青秋老遺民怨。扶荔宮空故國情。  
莫悵西風搖落盡。白榆天上轉分明。

○秋花

落花三月委春煙。滿目餘芳此可憐。磧雁欲來紅血地。  
蜀鴉能放赤燒天。崔郎人面空前日。杜牧風懷感暮年。

張亨甫全集

卷七

七

白首投荒南海客。不堪霜露想平泉。

○秋草

平蕪萬里莽蒼蒼。江北江南夕照長。曾送王孫應自恨。  
莫貽公子爲誰芳。天低絕漠牛羊見。火燒寒原雉兔藏。  
不是明君幽怨在。陰山千塚總飛霜。

○秋柳

玉門聞笛感清謳。萬馬驕嘶慘不畱。此去桓溫悲老大。  
當年張緒失風流。月明漢苑鴉俱散。花落隋堤水又秋。  
極目關山殘照滿。幾家眉黛損高樓。

○秋雁

江頭日暮有風沙。旅雁南飛，片影斜。衡嶽七十峯，夜月  
洞庭八百里，蘆花。稻梁謀急，飢啼曉，關塞歸遲。信憶家。  
書徧碧空，應莫恨，飄零何限，客天涯。

○秋燕

憔悴高樓泣暮煙。玉顏同過落花天。秋分看汝眞如客。  
春色當時已可憐。去路驚波滄海外，別風廢巷夕陽前。  
江南一自無王謝，石馬銅駝又有年。

○秋螢

今秋大火已西流，自照飄零汝未休。六代荒陵寒腐草，  
千年廢苑黯揚州。佳人衣薄鉤簾怨，志士年衰傍卷愁。  
張亨甫全集

卷七

七

瑟瑟商飈清露裏，數星竟夕爲誰留。

○秋蟲

桂樹連蜷怨八公，螻蛄幽咽泣山空。深閨刀尺孤燈下，  
獨枕關河落月中。邊塞卽今驚白露，天涯到處起秋風。  
不平歲歲鳴何事，感入鄉心似北鴻。

○秋燈

水閣深沈夜未闌，銀缸照影漾秋瀾。露霜滿地孤星曙，  
風雨連天細火寒。落葉不辭簾下聽，明河久厭客中看。  
戰場故鬼驚新雁，萬點青燈攪一團。

鼇峯書院假山上。故有紅蕉。閩人誤謂之美人蕉者也。花開可愛。然其本皆不餘二尺。惟監院署後廳。芭蕉一叢。本高一二丈。雖不作花。而翳日籠煙。離披盡態。至於飛雨驟至。飄風蕭蕭。中夜作響。使人聽之不能忘情。去夏五六月常居此廳。今年復來居之。與芭蕉作故舊歡。幸相見無恙也。古人愛此者多矣。予所聞近世賢士大夫。則祥符周櫟園侍郎。大興朱竹君學士。侍郎所至。輒種之。常禦盜吾郡。名所居曰蕉堂。今毀矣。學士按試吾郡。種之於試院。今猶有一二本。

張亨甫全集

卷七

西

存者。陸院副耳山學士門下士也。爲學使。試吾郡古學。命諸生作歌紀之。吾邑朱秀才詩。所謂綠天人去影離離。雲散風流不可續。是也。於福州使院亦種之。吾邑金孝廉榮鎬。亦學士門下士也。鄉試來福州。學士知其貧。戒門者任其出入。當進院。值學士短衣。舉蕉葉作懸踴狀。見孝廉至。一笑而已。其不羈如此。予不及見孝廉。聞之其弟子。又聞石君太傅。與學士對奕。家人以茶至。誤觸太傅衣。盡濕。太傅起。顧學士笑曰。幾爲兄敗矣。賴此一杯解圍。寬仁如此。視古人婢

污朝衣事何媿焉太傅爲

國朝名臣學士早卒功業未究然任俠好義振  
拔單寒在吾閩每試一郡畢輒游覽山水畱翰  
墨而去至今畱心文獻者稱之與太傅無異也  
予嘗於福州烏石九仙山建州歸宗巖吾郡詩  
話樓六虛亭見其詩字皆軼絕埃壒每恨不及  
追隨其人因同有愛蕉之癖故兼記其兄弟一  
二遺事而侍郎在吾郡禦盜之暇亦多與郡士  
之才秀唱酬因以成名者甚眾皆近世士大夫  
中所未多見者也

張亨甫全集

卷七

七

古稱七閩與百粵佛桑甘蕉兩奇絕五羊城外花燒空  
閩中甘蕉漸消歇千年美人今不來幽芳冷落向誰說  
金鰲峯近通津門圖書清祕如西園兩載此居豈天意  
要令山海酬詩篇鱗魚荔支快口腹況有芭蕉當壚垣  
朝光沈沈藹深屋炊煙翳葉流新綠疾風急雨雜飄蕭  
落月驚飛紅蝙蝠天涯千里未能歸芳草飛花傷遠日  
江潮夜在簷宇間不送歸夢困關曲欲別汝去心躊躇  
綠天一笑時自娛只憐苦心愛者少學士手種今空餘  
豈獨漢宮十二本蕉堂荒與扶荔俱此閒小胥肆剪伐  
何怪蘭以當門誅講堂亦有丹荔樹不及鑑亭荷如故

徐家綠玉舊齋存。籀龍三兩吟煙霧。此蕉縱無零落歎。  
不知我去誰當看。碧雲渺渺空庭暮。斜照離離風滿闌。  
星槎司馬滄海浮槎圖。

海雲茫茫捲白浪。落在高堂雪壁上。孤槎不動驚濤來。  
載石人疑漢博望。交親初憶戊寅歲。短小精悍多才藝。  
縱橫意氣慕宗生。鹽鐵桓寬耗心計。卽今五十時慨慷。  
語我恥以貲爲郎。此圖自示破浪志。安得萬里天風長。  
三年責諾茲償通。盡墨一斗酒百壺。虎門海色若匹練。  
醉去共看蛟龍驅。

送未涯客興化

張亨甫全集

卷七

六

今春相見惜蹉跎。又送征驂去奈何。倦客天涯親舊少。  
中年歲月別離多。夕陽潮退鹽田出。魚市風香荔擔過。  
澗淙遺書零落盡。關山弔古好悲歌。

寄贈高所菴丈

高侯百尺眞丈夫。廣穎大領兼虬鬚。平生俠骨天下無。  
要與當世分憂虞。不駕駟馬握虎符。乃使齷齪儕拘儒。  
目中空破千卷書。五十已老須人扶。我本少年頗狂疎。  
喜君磊落如大蘇。子由雨農正輔寅齋游詠俱。意氣作使酒。

百壺城東家世美。園廬庭花萬架翻風舒。清琴橫床月  
不孤。秋河燦爛當座隅。劇談時事獨長吁。睥睨富貴豪

非羸獨謂不朽必在吾相見每爲慰窮途祇今愁絕  
江居四五月霖雨濡大波滾滾蛟龍馳天影青黑低  
菰蘆西望困關遠模糊接翅難逐兩蛟鳥烏君山谷稱大小蛟山  
高侯善病幸自娛有田負郭桑成株古來世路多崎嶇  
豈如杜門安里閭看山且跨秃尾驢網水且膾縮項魚  
高陽池上舊酒徒當聽二子彈單鳧令嗣春卿任卿能彈琴

烏君山歌懷雨農舍人

銀河一片落煙霧挂在碧峯最深處玉龍待我我不歸  
至今畱汝看瀑布山中之雲亦千年雲氣窈窕而蜿蜒  
大月如盆高照天四壁啾啾聞夜猿重崖絕壑閱風雨

張亨甫全集

卷七

七

仙人春夢寒流泉可憐杭川人應憶晉安客手持綠玉  
杖笑踏萬仞石五月長歌同入山少年健走比霜鶴醉  
題名姓在巉巖字高去天不盈尺吁嗟乎碧海不可問  
丹邱渺難尋煙波淼淼江水深側身西望愁我心徐郎  
已去神烏老安得從君種瑤草

瑯琊王碑

宰干阿華初披猖河北藩鎮兵馬強可憐神武翦淮蔡  
濮曹販僧終鴟張窺竊神器劫天子中原擾攘如沸湯  
司徒九龍起吾鄉陳司徒吾邑人坐致海隅民小康光州兄弟  
繼餘烈材武足與吳越方射潮三千笑銅弩風雷夜震

開甘棠四門學制亦造士。豈須列舍匡廬旁。自非英雄  
有大畧。銘功腓士何可當。惜哉落魄來芒碭。徒都逼禪  
情倉皇。厚恩未報不討賊。歲歲航海還貢梁。此如鐵券  
恕九死。拜官且喜同繇郎。一朝豚犬互吞噬。骨肉祇飽  
豺與狼。秣陵戈船渡建水。水晶宮燼烽煙長。白頭父老  
弔故闕。撫茲片石哀興亡。驕淫早信卒覆滅。曷不倡義  
明臣綱。鍾山風流隱士去。錦衣玉帶空錢塘。千年功德  
不泯沒。巍然靈壁畱陰廊。大書深刻微缺蝕。摩挲懷古  
神以傷。我思清流白馬盡。東南天要存文章。衣冠八姓  
首沂淡。于兢此筆工掄揚。當時熙載與昭諫。辭藻似此  
張亨甫全集

卷七

六

尤清狂飄零各竄江海上。吁嗟亂世才不祥。欲藏萬本  
手自搗。故紙亦盡澄心堂。精魂地下似遺恨。怪雨忽送  
悲歌涼。蘇公文愧表忠觀。宮詞聊許追漁洋。漁洋有南  
唐宮詞

嗚呼瑯琊封碑今不忘。道旁無客稱閩王。

蜀

世祖寬仁收隴蜀。鼎分終與奠炎劉。可憐白帝賓天日。  
不忘黃初竊國憂。將相高才追建武。英雄遺恨失荊州。  
伏龍戰壘褒斜在。父老千年泣木牛。

魏

建武當途識已同。莫歌銅雀憾曹公。興亡東漢皆河北。

禪讓南朝始鄴中。三國戰爭無治亂。一家詞賦有英雄。  
坡仙徧看天涯月。老怨吹簫赤壁風。

○吳

岷峨氣盡大江東。蜀敗吳亡事竟同。六代江山開霸王。  
三喬粉黛送英雄。堪嗟鐵索橫天塹。不斷樓船駕利風。  
青蓋降旛應莫恨。銅駝宮闕夕陽中。

○蓮花生日詩

六月二十四日也

水閣今朝菡萏天。千花紅放夕陽前。庚寅可共騷人日。  
甲子當過絳老年。菜地佛生應浴豆。香房兒洗不論錢。  
諺云分香蓮不論錢碧筒勸汝一杯酒。存沒繁華豈惘然。

張亨甫全集

卷七

十九

神女凌波出洛遲。盼伊此日到芳時。一生長養皆香國。  
十日笙歌約水嬉。紅粉容華看健在。碧池歲月恰相宜。  
畫簾清晝微風捲。翠羽飛過見數枝。

千葉田田四壁稠。銀塘艇子記閒游。風前顏色憐人減。  
花裏光陰付水流。絕艷自來稀老壽。苦心誰與共春秋。  
替他設檻支炎日。聊當懸弧在上頭。

我亦生當廿四辰。幾生修到此花身。千秋可壽人閒世。  
六月能爲天下春。湘浦荃蘭懷彼美。華峯煙雨祝樓真。  
藕船十丈今無恙。玉井思驂跨鶴賓。

釣龍臺懷古

秦人失鹿羣雄起，斬蛇帝子作天子。駿馬夜嘶楚歌泣，  
不如釣龍滄海涘。鳥虜飛鳥已盡良弓藏，項王既死誅  
韓王。男兒當自霸一方，島上恥殉田橫亡。大江潮頭高  
萬鷺，釣竿直拂珊瑚樹。真龍到此也吞鉤，劉季如龍豈  
足顧。他年射鱗兒孫豪，欲弭甌粵禽渠曹。縱攫赤兔怒  
遷徙，一家壯氣橫雲濤。我登茲臺望漢闕，歌風集靈久  
湮滅。射蛟戲馬跡蒼涼，虎門千載虛明月。烏喙甲楯會  
稽山，無諸縱橫開百蠻。英雄有後苟如此，五湖可放鴟  
夷闕。金牛舊碕峙遺廟，父老傳聞莫疑笑。西狩胡爲書  
獲麟，神物之來本感召。滄波一洗青天秋，絲綸今在誰  
張亨甫全集

卷七

三

敢投。但吹鐵笛俯龍背，坐看拂檻蛟鼉游。

七月一日葉大席珍秀才招同人小集范忠貞祠

食荔支

青山燒紅玉，炤炤荔支光。酒約秋風至，天留夕照涼。當  
筵擁仙子，懷古各他鄉。畫壁悲歌意，堪於醉後忘。

涼風

涼風起江上，千葉客帆飛。雲水紆秋色，川原隱落暉。故  
園歸夢久，遠道尺書稀。向夕空西望，重山幾翠微。

雄心

雄心天與久，蹉跎頻歲光。陰客裏過，劉毅貧原無儋石。

謝安少不廢觴歌山中鴻雁鄉書少海上秋風夕照多  
昨夜思歸看月色幾回圓影滿煙蘿

雨夜聞笛

羈心自多感況此夕秋風滄海沈孤月高城動百蟲不  
須怨楊柳已見落梧桐蕭瑟關山恨吹來暮雨中

朱二秀才

亭松

華茂彈琴圖

海上何人為刺船絲桐絕調本家傳一彈流水滄溟遠

箏笛人間洗百年

君師李文古山令叔祖梅崖高足也

水檻荷亭夕照涼冷洽絃指兩相忘湘波簾捲人如玉

看汝高歌引鳳凰

張亨甫全集

卷七

三

香篆霏青界綠屏玉徽自按十三星心盟清獻他年似

會有金衣一鶴聽

臨滄亭

海水日夜綠秋風今已涼蓬萊不可見瑤草為誰芳滅

沒俯雲鳥混茫當夕陽歲華去無限流恨此滄浪

予丙子戌

寅壬午及今凡四游鼓山

靈源洞

松風何蕭蕭蕭蕭常千年上有千年峯下有百丈泉空

山四無人返照秋蒼然嶽崎入萬石窈窕尋孤煙俯瞰

烏龍江雲勢如馬旋目極一鳥飛影滅餘高天幽亭坐

超曠絕壁搜鑿鑄深懷峴首悲不見羊傳賢波光忽滅  
沒瞋色來巖顛却顧寺門月待我空濛邊

同洪楫內兄登劣峯觀日出遇雨失道

故人興發罷樽酒要看滄溟日車走夜持兩炬醉出門  
行徑犖确緣山後秋空微月照劣峯足不能登捫以手  
四童引臂若四猿欲笑恐墮還禁口已過石脊得性命  
却坐峯頂擁背肘大風吹雲落衣帶海天一色黯青黝  
蒼茫慘澹十萬年銅鉦入水竟誰扣扶桑花老烏暗泣  
天吳起立蛟龍吼銀濤雪浪破碎中金光如箭低昂久  
倒射明河并傾瀉急雨紛飛打星斗此時火滅路昏黑  
張亨甫全集 卷七 三五

前後趾踵互踐蹂雀蟲叫嘯荆棘叢待曉得歸形瘦醜  
始嘆膽麤復奚濟不如李侯立臥无咎登高臨深險莫  
言嗟嗟小人尙有母

秋柳和友人

西郭門前一樹春清秋回首恨逡巡相逢更到蕭條日  
望遠還傷老大身驛路征驂霜共月關山橫笛雁如塵  
東風苦憶花朝別持贈離筵正有人

江邊瘦影照絲絲憔悴今朝爲阿誰作絮尙憐春盡後  
棲鴉不見日斜時道當來往愁頻折人共凋零感可知  
借問白家樊素伴尙書巫暮欲何之

何處深溪舊板橋。清歌怕聽雨蕭蕭。衣痕微日徧難忘。  
眉黛韶年總易消。生與桃花同宛轉。近來蓮子亦飄搖。  
江南誰見王郎少。鶴氅風流慘六朝。

葉大歸永春作

一旬送客已三回。懷抱何因得好開。試挽征鞭指秋色。  
千山落日越王臺。

九日觀演劇口占

海城秋色又如此。問君不飲何爲耳。江南子弟好顏色。  
爲我當筵歌舞起。欲雨未雨天不高。西風絲竹聲蕭騷。  
持杯盡醉擲杯去。徑踏鼇頂凌煙濤。

張亨甫全集

卷七

七

寄藕亭先生

近聞得疾臥家山。我愧飄零尙未還。居共故鄉翻久別。  
感深知已憶衰顏。百年老鬢秋風裏。千里羈心夕照間。  
爲報碧雲無恙在。幾時相從踏煙鬟。

食鱒魚口號

包山霜橘太湖鱸。江左秋來最好居。誰憶南風到潮信。  
海天九月膾鱒魚。

砧聲

驚颿一夕起秋空。怨入清砧幾處同。萬里塞垣霜重候。  
千家樓閣月明中。淒涼欲絕傳寒杵。嘹淚初聞和朔鴻。

長別可憐心已斷。吳綿半搗淚花紅。

金堂涼入繡襦清。料理輕袍寄遠征。腕弱正憐防露怯。  
音高還覺與風爭。聽轆軋軋停智井。鼓角蕭蕭雜暮城。  
回首龍沙諸將在。聞笳應慘故鄉情。

草木天涯已盡黃。一時哀響促衣涼。秋風刀尺驚寒久。  
戍火關河感夜長。征士夢回孤絕漠。美人力盡咽繁霜。  
琵琶莫愴潯陽伎。何處尋聲不異鄉。

亭障蒼蒼欲暝煙。拭砧怨似理哀絃。飢寒遲暮懷同命。  
歌舞光陰悔少年。空外音愁天亦遠。閨中心與石俱傳。  
玉階更聽聲如雨。落葉寒螢總颯然。

張亨甫全集

卷七

五

垂手翻辭十二闌。恰同玉兔搗霜寒。一聲客怨無家別。  
半夜風傳出塞難。何許刀頭煩問訊。有人竹肉尙爲歡。  
冰天鐵甲瑤瑤意。併在終宵帛兩端。

萬馬回頭仰月嘶。陰山蘆管北風吹。那知竟夕金閨恨。  
盡作長城鐵笛悲。宮角蕭騷爭變響。干戈辛苦累長眉。  
玉壺銅箭沈沈斷。宛轉驚心落杵時。

銀漢微瀾界玉繩。敲殘砧石聽誰憑。清商處處秋無夢。  
白露家家夜有燈。街鼓簷鈴遙不辨。村舂戍柝隱如層。  
蕭條毳幕愁寒苦。移帳交河正打水。

謝家幽思杜陵愁。鬢髮聞聲盡倚樓。積裏離人歌怨月。

江南少婦手鳴秋。蒼涼天地蟲相答。慘澹冰霜指不柔。  
今日昇平征戍少。無衣莫切玉門憂。

錢舜舉伏生授經圖

漢家再世搜遺經。濟南老叟存伏生。授書龜錯始傳寫。  
至今逸事畱丹青。當年李斯說秦政。文武之道一炬燼。  
豈無六籍在故府。入關版圖頗收進。蕭何刀筆不知儒。  
咸陽燭刀火誰訊。後來孔壁出蝌蚪。汲冢漆簡紛疑信。  
伏生博士雖故官。二十八篇亦已殘。何況齊魯語多異。  
遂令聳牙訾詰盤。今文古文各難得。序疏註傳徒譏彈。  
我恨劉氏詔求緩。不然燬佚終應完。白頭九十看橫案。  
張亨甫全集

卷七

五

天叟高年釋餘憾。此是千秋一大師。有女猶能述臯且。  
神明瑰偉動毫端。意匠經營誠慘澹。烏虜驪山朽骨啼。  
風雨。卯金帝子俱塵土。祖龍焚書授二世。不及授經足。  
千古。冬青又泣宋陵秋。畫圖誰憶錢舜舉。

望遠

孤城涼雨送深秋。望遠徒驚歲月遒。北雁關山霜更晚。  
西風江海水空流。驚心婚嫁無高士。過眼功名有故侯。  
想徧蕭蕭平楚外。干峯黃葉故鄉樓。

酬林七秀才

國士梅友

宦學今年亦浪遊。幾人知我似君侯。無書可作藏山業。

有母同殿失路憂猿鳥故園煙雨晚魚龍落日海天秋  
七闋莽莽西風裏相對悲歌一酒檣

牢落乾坤感數奇飛騰骨相苦吟詩當年李廣真飛將  
幾輩楊修是小兒霜露人間寒已甚風雲天上夢何遲  
江南知已餘姚合萬里滄溟共此悲

君與桐城姚石甫  
明府善明府時在

臺

袞袞諸公自省臺洛陽年少久蒿萊東南歌舞民方困  
西北征輸歲屢災鞞尚耽名士習文章何與濟時才  
登高共望窮秋色老雁寒雲慘地來

紅葉

張亨甫全集

卷七

七

高霜昨夜已生花散在山涯更水涯千里楓林成返照  
一天寒色燒晴霞斑斑遠映帆如馬點點歸樓浦露鴉  
搖落不須悲楚客洞庭西望黯清華

高高石磴遠山盤雲白峯蒼葉盡丹欲暮歲華猶著色  
不風木末轉生寒珊瑚斑駁誰家寶錦繡依稀故苑看  
惆悵阿麼金粉地花旛綵樹久飄殘

江北汀南萬樹遙馬嘶落日正蕭蕭秋光有信悲千古  
春色無多換六朝艇子經時波未下桃花前度影難消  
一鞭看到青溪曲慘澹紅楓亞板橋

蒼然平楚帶寒城粧閣多因望眼明錦字似分林際影

宮愁怕聽水流聲。孤煙映晚山如黛。幾處當空雨亦晴。  
借問相思紅豆子。凋零南國不勝情。

十月十日再食鮓魚作

九年七度三山游。荔支鮓魚快所求。海山仙人別我去。  
我本骨鯁慙溫柔。嚴霜既降潦水絕。登盤毛蟹紅如榴。  
何來銀鱗更若雪。十月大笑春風留。

福州惟三月多鮓魚

客言多

刺古有恨。願汝七箸勿輕投。豈知天公憐旅食。屢與一  
尾供廚羞。松江巨口不足憶。螭羹瑤柱誰兼謀。今秋禾  
稼幸晚熟。人多醉飽吾奚憂。新寒得酒念兄弟。西望江  
嶼龍鬣愁。

張亨甫全集

卷七

七

題劉太學

萃奎

薇卿詩後

秋江才調自清新。綺語紛紛枉效顰。誰識風華本溫李。  
黃髯高弟只斯人。

賦到蘆花百感生。少年洗馬本多情。江南涼雪秋風晚。  
夢冷鷗邊片月明。

拂水論詩老自雄。苦將宗派笑閩中。惜君不見薇卿在。  
大有松圓處士風。

燕文貴溪山雪霽圖

陳綦甫夫子所藏

人間瑤華無處著。寫向紙上痕俱消。金烏欲破凍禽夢。  
似有晴煙一抹生。單椒。山家掃雪在山腹。不見蹇驢行。

客愁溪橋層巒鳥道嶄絕際。一篷老漁擁影如蒼鷗。當  
其興發使腕騁奇險。尺幅上下複水重山交。山氣水氣  
雪氣隱莫辨。筆氣所到寒不驕。昔游天台向東越。扁舟  
歲晏遲江湖。永嘉大雪五日夜。鼉鼉凍立蒼天高。天高  
如墨下壓海。海風捲雁聲蕭蕭。傲裘貫酒踏孤嶼。醉呼  
日出排雲濤。雪花爛白日爛赤。千山積素疑火燒。數峯  
忽作眉嫵綠。惡溪送我催歸橈。不知蒼茫慘澹意。乃於  
燕君筆底重相遭。六年往事付流水。光景依舊畱縑綃。  
我生少年輕萬里。小視五嶽真秋毫。每思陰山青海十  
月後。雪片鴉大橫湖泉。黃塵生擊飲其血。僵臥豈屑袁  
雪。岷江下繞流滔滔。

平遠臺

明太監梁著建

海城秋色無今古。漢唐故闕俱塵土。水晶宮寒鬼夜泣。  
釣龍臺寂鳥嘯雨。九仙騎鯉去不還。至今但有嵯峨礧。  
礧之高山巍然巨石架榱桷。平遠俯瞰千螺鬢。何人建  
者明梁著。南來坐鎮開牙署。破費官家十萬錢。內臣畱  
得登臨處。我思勝國朝綱夷。大阿倒付刑餘持。歷朝聽

命一宦寺。前劉後魏謀傾危。可憐干戈裂天地。視師猶

恃司閹智。羅織爭傳東廠威。君王終向西山縊。此臺壯

麗高倚天。一焚再震消如煙。安能手驅萬雷斧。盡削名

姓嶠巖顛。九仙山有元明太監題名數處閹人好事堪嘆息。石門雁宕

遭鑿刻。豈知汝使碧血滿乾坤。到處題名汚山色。子舊游浙

之石門雁宕亦有劉瑾題名此臺又聞戚繼光平倭奏凱歸稱觴。六

軍一醉海天月。山中草木皆軒昂。英雄事往風流在。不

與金粟同荒廢。金粟臺亦在九仙山悲哉鼇頂之亭亦劫灰。金鼇峯頂

有狀元亭舊在平遠臺側明季爲義民所焚旗鼓斜陽慘愁黛。作詩豈獨滄

桑哀。要使萬世皆知北寺爲禍媒。驚風吹落百蠻雁。莽

張亨甫全集

卷七

七

莽寒雲天外來。

橘枝詞

紅紅物色醉清酣。三月桃花九月柑。望到人煙最寒處。

秋風霜信滿江南。

洞庭山畔水如煙。萬顆低垂夕照圓。愁殺吳儂好家果。

都將載去太湖船。

郎行淮北未能歸。妾在江南淚滿衣。寄與一雙合歡橘。

到時顏色也應非。

爛柯空自笑王郎。誰看彈碁到橘鄉。不見漢家舊官府。

木奴箇箇閱滄桑。

垂白韋家老大夫。莫勞三百寄姑蘇。東南歲歲愁征稅。  
橋戶多應累訟租。

● 李忠定

塞馬南侵內禪年。誰條割地棄幽燕。七陵鬼泣中原月。  
二聖俘悲大漠天。戰守空勞爭社稷。讒奸不欲靖烽煙。  
千秋一灑陳東淚。併入崖山血可憐。

● 岳武穆

山東豪傑望揮戈。一日金牌止過河。南渡江山三字定。  
北行冰雪兩宮多。黃龍痛飲何年事。白雁終傷故國歌。  
莫怨秋風凋墓樹。冬青夕照黯霜柯。

張亨甫全集

卷七

辛

● 韓蘄王

一諫和戎遂解簪。英雄投老在湖陰。未歸五國先皇骨。  
已死中興大將心。鼙鼓竟空勞粉黛。山河還累竭繒金。  
白頭岳墓騎驢過。風雨蕭蕭石馬吟。

● 張魏公

魏公才畧早英桓。大節原推世所難。和敵苦持天子議。  
歸朝能使國人歡。誰教一表疎忠定。自是西師賴曲端。  
功過分明輿論在。符離莫訛紫陽寬。

搖落

搖落朔風至。蕭蕭雁滿城。江雲寒自動。海日晚孤明。國

士夷門感英雄廣武情高歌望天地醉眼一縱橫

寄家嚴山兄

正月遇嚴山就館光澤別於邑中今得雨農舍人書知十月以母病歸家

念之耿耿十一月望夜枕上口占却寄

今春戎別君是日多陰雲風吹馬蹄急欲語不卒聞自  
予渡螺女每憶君遠處烏君落煙瀑對君作秋雨秋雨  
何蕭蕭春雲何迢迢鯉魚來江湖報君歸嶺腰嚴山所居里名  
嶺腰梅千樹不識君行路夢去作月光照君梅花旁山  
深晚似墨天寒月昏黑不照千梅花但照烏啞啞啞啞  
在城頭爲君登江樓江水自東流君行西更愁嬋娟人  
如玉歲晏憐我獨大雪壓江天三日眉嫵綠爲我作清  
張亨甫全集 卷七 七

歌歌長恨轉多勸食鯉魚膾相思入腹何

寒月曲

牛女明河別淚乾素娥今夕不勝寒拚將皎潔菱花鏡  
來傍飄零梧子闌菱花梧子愁何極夜長乍恐水輪仄  
謝傅堂中絲竹聲齊奴帳下珍珠色珍珠買笑亦買鬢  
絲竹畱春復送春可憐何處關山月不照當筵歌舞人  
歌聲未斷銅龍起舞袖纔映金蟾委三千釵影亞芙蓉  
十二簾波擁煙水香塵來去亦無蹤鳳蠟微消獸炭紅  
縱冷瑤樓一宵夢那知畫角五更風獨有江湖流落客  
五年不見眉峯碧汚酒猶畱舊傲裘薰衣每憶新薌澤

天涯兔缺有時圓。海角魚書何日傳。七寶摩挲修桂斧。  
四條感激過船絃。絃絃淒冷作雁語。滿城落葉紛如雨。  
一寸霜華動鬢絲。月斜人散奈何許。

○連日大醉。愆謬遂多。因憶今春臨行時。四兄送之。  
惟日毋多飲酒。蓋知予之過失多。因酒也。一年  
之間。屢踰此戒。豈惟不弟。實不知焉。

年少縱橫氣。總纍英雄眞。處乃醇儒。銜杯乍可師。陶令  
罵座何當似。灌夫歲暮冰霜天地肅。江湖蛟蠃容身孤。  
故鄉迴首思兄弟。千里寒雲尺素無。

○林四梅友劉八西堂建庚令弟聞石建韶周八同

張亨甫全集

卷七

三

序瑞圖諸君餞予於烏石山文昌閣卽席賦別

晚照蒼然萬嶂開。虎門天遠暮雲迴。江山如此宜高會。  
主客何人不異才。華燭暫爲虛閣月。寒香遙話故園梅。  
一年聚散看樽酒。莫遣城頭鼓角催。

松聲

老龍歲久長鱗甲。蟠鬱虬髯作怒濤。一天鶴響山月大。  
半夜雨翻雲海高。風勢風聲戰號怒。松花松子日蕭騷。  
仙人樹杪獨巢慣。春夢方酣驚此遭。

繞屋潮頭不到地。開門秋氣峭當天。蕭蕭欲落未落日。  
颯颯深山深谷煙。怪石結鱗意飛動。亂陰如馬嘶盤旋。

野夫琴在不能撫。坐憶海濤游水仙。琴曲有風入松

天台十萬八千仞。瀑布如銀奔石梁。併出老松作泉韻。倒蟠絕壁鳴山光。一菴茶熟鐘未寂。半雪崖墮林盡蒼。老矣秦封倘相見。更吹鐵笛岱峯旁。

高文銘西歸里口占送之兼柬雨農舍人

哲弟吾知已。經寒感別離。何當分手地。更在異鄉時。風雪行山驛。梅花照鬢絲。暮年猶俠骨。遠道不須悲。

爲報張平子。天涯有四愁。昨看滄海月。興在白雲樓。漁浦帆先去。家山酒可篋。雪梧冰竹下。待與解征裘。雨農家青

山白雲樓有梧竹之勝

張亭甫全集

卷七

七

十一月廿五日招何六杰夫冠英梅友西堂薇卿

聞石同序諸君集張氏蒙泉山莊賦別

朔風隨我久天涯。可少名園載麴車。千古江山幾杯酒。百年池館一梅花。泉因茗興蕭蕭落。日爲鄉心故故斜。難得高歌盡詞客。堪畱醉處卽爲家。

暮色千峯一檻平。青天不減白雲情。歲寒共抱冰霜意。夜久禁聞鼓角聲。滄海月遙山磴暝。畫簾風靜燭花成。開樽此會無多日。九曲樵嵐雪後行。時予將就試邵武未歸里也

十二月十五日將歸試邵武十二夜枕上戲作自

嘲

今年我隨春光來，復見春來我先去。立春玉梅忍凍

嵐煙，要待索笑橫斜處。貂裘酒痕久不消，付與萬山洗。

風露。洪江三月水如油，打槳入城望親故。擬明年三月復至

生身如天上，月光輝何地不瞻顧。離合暫同月缺圓，那

惜冰霜千里路。孝廉家祠說仙迹，此言雖誕畧足據。邵武

家繁露考：嚴宗祠傳係呂仙，畱宿處時書來約畱禹。況我十載夢吞丹，籃輿小住

卽鶴馭。獨媿陳湯貸無節，累及交游難告語。連歲貸洪楫二百金

洞天有龍或可呼，吾終行矣種瑤樹。

### 十五夜舟發洪山橋

朔風吹酒夢，一醉落江煙。我正揚帆去，天當送月圓。是夕

張亨甫全集 卷七

無蚊蠶寒永夜，雲水思經年。誰憶水霜晏，家山未擬旋。

是夜南風甚利，竟抵水口，喜而有作。

碧天不放好月明，碧水不使惡浪生。高風引帆如一葉，

過蛟龍背寒不驚。青山似愁我去速，煙顰雨蹙船頭迎。

千峯萬峯望滅沒，船行不覺疑山行。蕭蕭空籟起何處，

櫓邊燈火燒江聲。江流漸小山漸大，天影漸黑當四更。

榜人告我水口近，詰朝穩坐籃輿輕。快哉扁舟二百里，

一夜飛渡同仙旌。縱非江神憐久客，定然天意豪詩情。

却思九年十三度，往來此水淹畱并。後先疾遲悟萬事，

人力何與何食爭。東方旣白已泊岸，酌酒且謝沙鷗盟。

帶將好風過官驛。梅花半樹吹斜橫。

過黃田驛

鳥啼殘夢落秋光。丙子鄉試宿驛中句忘其全篇歲月今空九載忙。盤

樹村鷹寒噪日。驅風驛馬晚驚霜。班超備食功名誤。杜

甫悲歌道路傷。錦帶吳鉤蕭瑟盡。山光無恙送蒼蒼。

立春夜宿金沙驛遇雨次前十二夜作韻

二十七載春初來。二十六載春又去。一年兩度逢立春。

消遣他鄉馬行處。正月朔六立春在邵武金沙桃花應笑人。為誰

辛苦冒霜露。我還笑舉花下杯。紅顏那識青山故。玉蟾

入雲忽跳珠。笙鐘萬谷酣驚顧。孤燈照屋黑於海。滿地

張亨甫全集 卷七

三

波濤欲無路。敢煩雨師行灑掃。似是歲華爭割據。戰聲

合勢終夜閒。夢扶日出驂龍馭。先生懷抱常自春。春去

春來聊戲語。明朝上道正東風。差差已綠搖煙樹。

次早昌雨道中口占

雲黑壓天青。連山失翠屏。江聲騰馬疾。雨氣走龍腥。羈

旅艱途路。乾坤混晦冥。東風正飄灑。一夜有神靈。楚詞東風

飄今神靈雨時先一夜立春

宿延平驛中見紅梅

師雄去後今千年。禱袂不見羅浮仙。怪來翠羽鳴我側。

玉妃倚醉臨江天。天邊三夜照明月。冰魂不醒酣煨煙。

正如飛燕雪中立。紅玉之頰寒娟娟。又疑瑤光闕深殿。  
疎影低亞燒槽絃。家山唱斷一灑淚。江南從此春斑然。  
東皇巧與妬絕代。故遣流落城西偏。朱顏如許委風露。  
我行歸矣誰汝憐。山容窈窕雲態暮。眉黛盡到闌干前。  
高燒華燭暖豔寢。寶珠亦放丹頂鮮。架上山茶亦花不無黃昏  
感玉局。豈有綠葉悲樊川。金樽破凍笑不寐。任人喚作  
梅花顛。欲將朝霞翦萬丈。大作錦帳圍香眠。問花不語  
花已恨。驛樓曉雨催吟鞭。

苦雨

我從螺江還。七日盛霖雨。少年喜遠遊。天與嘗險阻。隆  
張亨甫全集

卷七

美

冬積凜冽。朔風勁於弩。但見長雲來。白氣自吞吐。點密  
作倒飛。勢橫更急舞。崖昏晝噪鳥。谷暗晚防虎。豈真湖  
海意。實取蛟龍侮。何爲送波濤。欲與洗塵土。萬山無去  
人。蕭騷響榛樵。出煙復入煙。蒸蒸如游釜。僕夫衣盡濕。  
泥溪沒踝股。常恐竟顛蹶。性命輕千古。中夜亦起坐。逆  
旅無安處。吁嗟戒日車。迅速遏雷鼓。毋使翻盆聲。徧破  
縛茅宇。遲暮道路間。誰非飢寒伍。幸施造物仁。生民久  
愁苦。

訟過

萬樹瑤華月。金波盪夜闌。神仙笑風露。歌舞袞龍鸞。我

夢抱琴去。天長大海寒。驚濤正浩瀚。何處問琅玕。

張亨甫全集

卷七

三七

建甯張際亮亨甫著 全邑孔慶衢寄吾核刊

○二月初六冒雨發邵武與家繁露孝廉別次日至

寶積飲王莘夫

臣鵠

秀才家遂偕至大埠岡宿

江氏別業次日與家素先

文瑾

秀才及莘夫別

丞相祠堂曲水寒

李忠定祠在五曲水旁

莒溪遺草久凋殘

滄浪先生

家莒溪羣從九人皆有詩名今惟華谷先生詩緝刻於泉州滄浪詩話板存吾邑朱沁軒刺史家

江山

二月流鶯語風雨千年去馬看到處故交皆戀別此生

懷古敢求安西園正有花如雪畱待他時對酒闌

江氏西園

張亨甫全集

卷八

一

推為名勝主人苦畱信宿

○三月十九日至光澤止高雨農舍人繡草廬臨行

前夕畱別舍人上官寅齋何厚菴兩孝廉

少小讀詩書長大去鄉里內多慙骨肉外豈信朋友堂

堂數君子愛我不我鄙交懽慕道義忘年畧輩齒我過

必我責我善必我美相思必命駕相迎必倒屣畱我居

未夏秋再至止意氣尙清狂存沒判悲喜所菴與金門

兩賢皆國士空為歎逝賦夜臺豈知此春風解我愁吹

波長綠水分手告登舟復追挽行李感念倍

恨不寐

中夜起。舍人好別業。梧竹映窗几。四度我下榻。諸公勞  
顧視。畱詩在壁間。如常見我耳。明朝定挂席。帆月向滄  
海。

阮石梅應侯 同年登岳陽樓圖

我聞洞庭八百里。怪哉收入生綃間。浪花濤頭勢吞吐。  
蒼梧帝子何時還。仲容意度本絕俗。清詞咳唾皆珠玉。  
昨來弔古岳陽樓。吹笛湖天裂斑竹。巴陵萬古秋風多。  
九疑慘綠連湘波。千檣銜尾似鴉去。雲水噴薄愁龍鬚。  
風流太守能好事。載酒君山謀夜醉。照山丹月大如盆。  
萬頃湖光盪金翠。湖光浸月月倒空。樓臺氣冷魚龍宮。  
張亨甫全集 卷八 二

高歌挂帆返海上。至今興在披圖中。十年我亦浪遊客。  
越浦吳門總陳迹。對此因之一眼明。娟娟楚水搖山碧。  
石甫明府招游鼓山令姪慎之繼光林七梅友同  
行余得斷句七首

我方入山來。水自出山去。問水去何心。忘却爾來處。  
東際橋

四大本來空。袈裟亦塵土。何如著破衲。相見無賓主。  
更衣亭

衆生自生滅。佛性自自然。魚樂佛不知。池上餘春煙。  
放生池

截斷衆流時。但憑脚根穩。非旛亦非風。此義試三反。  
喝水巖

本來無可歸。水石意亦得。誰師面壁人。十年不火食。  
忘歸石

無門而有門。石頭路最滑。多事晏禪師。不如此跌殺。

石門

無眼耳鼻舌。何事留牙齒。我請付茶毘。佛應大歡喜。

佛牙

十月十一日去福州作

十月八度來。羈旅固已久。失意逐科名。形容日瘦醜。浩  
張亨甫全集

卷八

三

然決歸計。餞飲勞良友。問我去何爲。高堂奉老母。兩兄  
餘四十。謀生困家口。自與伯氏別。二載各奔走。頗聞近  
向衰。鬢鬢鬚且存。讀書愧孝弟。時命屢不偶。茲行無以  
慰。徬徨瞻馬首。

孟冬朔氣至。蕭蕭多寒風。驅車郭門外。矯首紛飛蓬。大  
江無畱波。游子無定蹤。一身如白日。旦暮歧西東。送者  
互執手。對酒慘不終。人生有大別。此別尙再逢。君爲沙  
上雁。我爲雲中鴻。

滔滔江中水。寫此一寸心。寸心無斷絕。俯仰愁江濤。予  
美在何許。乃在北山岑。山中風雨多。猿鳥晝哀吟。褰裳

不可卽。目斷青楓林。楓林暮蕭蕭。江水日夜深。

飢鷹出曠野。落日天蕭條。秋風鍛羽翮。安得當雲霄。白  
草何茫茫。狐兔亦已驕。焉知鷲猛性。臭腐不可招。扁舟  
永言邁。川塗廣且遙。浩歌感夙昔。庶免迷陽嘲。

### 遊玉華洞

入洞若甕若黑煙。洞內萬石各倒懸。雙持炬火燭怪異。  
但見鬼佛參神仙。或現牟尼髻。或擎羅漢拳。或類枯僧  
定。或貌少女妍。或突象奮怒。或蟠龍蜿蜒。或側虎踞地。  
或垂牛飲川。或鳥上挂木。或魚下戲蓮。或楓之瘦醜。或  
桐之蒼堅。窪之爲井竈。凹之爲池田。露之爲浮棋。廣之

張亨甫全集

卷八

四

爲長筵。張爲簾幙大。散爲金珠圓。豔爲丹沙吐。輝爲碧  
玉鮮。就中奇狀不可一一寫。直疑山鬼煉出媧皇先。不  
然盤古豈狡獪。畱此萬載不闕洪荒天。昏沈石壁訝海  
底。燦爛石髓如星躔。雪花雨氣總不到。祇有十圍鍾乳  
百丈雪淵。陰風驟起吹轟闐。我時逡巡莫敢前。恐天摧  
地陷山飛水走失。足一墮真千年。何況巨石壓頂低石  
礙肩。小語輒響答。四顧心茫然。其高或昂首而鶴睨。其

險或側足而猿緣。其深長不能以里計。或言下通溟渤  
之壑。有神人羽客桑麻宅。舍交相連。石門在青田縣石梁觀

音龍鼻

三洞皆在雁蕩靈源洞在

福州

亦勝絕。無此嶽崎幽窅豁。訝

峭拔而綿延。半窺殘月忽到眼。照影又在瓊樓邊。分明  
斗轉夜欲曙。夢覺起聽蕭蕭泉。導者竟自去。久之始出  
洞後之崖巔。幻邪真邪不可傳。白日未落搖歸鞭。

張亨甫全集

卷八

五

晴窗之巖巖以泚其眼不可磨。白日未落搖歸鞭。  
斗轉夜欲曙。夢覺起聽蕭蕭泉。導者竟自去。久之始出  
洞後之崖巔。幻邪真邪不可傳。白日未落搖歸鞭。

張亨甫全集卷八 丙戌

泊吳城登望湖亭

江上樓臺隱落暉，青天斷處數帆微。  
宮亭湖畔春來雁，何事隨人向北飛。

湖中望廬山

千丈廬山曝晴空，化白雲光輝照湖水。  
彩翠共氤氳，不見東林寺。飄飄鸞鶴羣，輕帆趁風利。  
何處問匡君。

湖口守風

張亨甫全集

卷八

六

吳頭楚尾望如何，九派江聲起白波。  
彭澤天低惟鳥度，潯陽風斷少人過。  
蕭蕭向暝斜陽遠，渺渺生寒積水多。  
今夜不眠愁暮角，故山回首隔煙蘿。

襄陽船戶曲

葉葉風帆泝武昌，船船兒女半襄陽。  
生涯不信真飄泊，但飲江流卽故鄉。

昨宵下水泊吳城，幾日還揚漢口船。  
生怕看山看大別，

不如望見望湖亭。

吳城望湖亭俗傳陳友諒與明太祖戰鄱陽湖中其妻嘗登此望陣故或

呼爲望夫

鄱陽湖勝洞庭湖，如鏡湖光照大孤。  
分取兒家作眉黛，

不知還勝小孤無。

大孤山沿小孤呼小姑之訛亦呼爲大姑

江湖生長不須悲。浪宿濤餐共護持。即在船頭妾船尾。風波何處肯相離。

### 夜泊大風

江水忽飛嘯。驚獮夜倒翻。波濤鬪蛟鱷。神鬼出乾坤。暗燭寒搖淚。孤舟風擁魂。命知賦窮薄。忠信總難論。

○清明日宋埠驛中作 屬麻城

倦遊何處不思家。況復清明感歲華。楚水東流人北去。越天南望日西斜。樓烏隔院初藏柳。語燕臨風正落花。惆悵招魂猶舊俗。荒原兒女自喧嘩。

張亨甫全集

卷八

七

### 汝甯舟中

浩浩過吳楚。栖栖復蔡陳。江雲曾殫客。汝水解流人。作雨花催晚。爭泥燕戀春。扁舟足羈思。容易失芳辰。

### 陳州道上中

謝傅風流盡。當時驛騎虛。地承皇古舊。人出潦荒餘。牛馬連鈴鐸。烏鴉繞宅廬。艱難嘆農力。生計未應疏。白日慘無色。黃沙飛有聲。風驕驅曠野。天濶匝孤城。土屋幾家閉。柴車何處行。麴燈不可問。蕭瑟恐孤征。

○柳花

四首在陳州周家埠口作

何人畱恨晚。春天手種長條作絮顛。攀折曾經怨離別。

拋殘猶自愛纏綿。因風吹散終何許。隔水相看只渺然。多少征夫怨飄泊。不堪臨去點佗鞭。

馬首輕埃辨未真。晴絲更卷夾堤勻。留他眷戀無多日。送我萍蹤又一生。忽忽紛飛還作態。濛濛空墮不成塵。天涯莫悵啼鶯晚。芳草芊綿久似茵。

橫笛離亭起暮愁。一時亂落不能休。可憐官渡煙俱碎。更共隋堤水漫流。樹老無情半搖蕩。春歸有迹小淹留。殿前誰憶當年客。張緒如今也白頭。

幾番眠起眼長青。況是今朝撲面迎。雪際相思猶旣旒。雨中如夢不分明。乍歸燕子看交舞。垂暮楊枝欲遣行。張亨甫全集 卷八 八

惆悵紅橋三百外。江南處處糝波平。

大梁

中原自古帝王州。荆棘如今滿廢邱。征馬尙嘶梁苑月。寒鴉不改宋宮秋。蒼蒼曠野天垂盡。浩浩長河風捲流。形勝豈關興敗事。醉思公子一登樓。

蘭湯渡河書感二首

葱嶺西來出大荒。驚湍萬里出天黃。可憐兗豫流空澗。直湧淮徐入混茫。禹蹟至今湮碣石。漢庭何日塞宣房。浮槎不見張騫在。誰話河源思總長。

頽沙濁浪夕陽中。少府金錢百萬空。上策何人思賈讓。

疑是瓊

三州幾歲遣蕭嵩，昏沉父老哀廬室。慘澹神靈怒洛洪，  
難向龍門尋故道。獨乘鷁首感悲風。

○登東昌光嶽樓

長雲落日盤燕趙，曠野驚沙蕩魯齊。混混河流衝地闊，  
蒼蒼黛色匝天低。目窮千里鄉心遠，樓倚層霄暮景淒。  
自古巖城經戰伐，析骸殘戟長蒿藜。

○白溝河

誰割燕雲十六州，中原從此缺金甌。可憐帝子俘青蓋，  
更遣孤臣泣白溝。涿鹿風沙殘壘暮，盧龍關塞夕陽秋。  
驅車莫苦思形勝，人代茫茫總逝流。

張亨甫全集

卷八

九

○涿州道上感賦

秦關百二古雄疆，汾冀西來帶礪長。一夜漁陽金鼓震，  
六軍蜀道翠華忙。聲靈異日虛河朔，割據同時啟晉梁。  
誰信開元全盛後，匹夫容易變滄桑。

蘆溝橋

颯颯起風埃，桑乾萬馬來。天垂上谷合，山繞太行開。形  
勝雄方域，徵求肆吏才。飄零棄襦意，徒咽怒流哀。

○全椒王春卿

晉棟

孝廉將作令浙中，遽見卽別賦

此贈行

遊欲徧天下，佳山水。交欲盡天下，奇男子。太行翠色如

重煙影落桑乾一千里。長安滿目皆貴人。誰與悲歌日  
對此。孝廉遠自江東來。骭髀之骨非常才。三年聞聲一  
相見。却復別我黃金臺。金臺花盡祇塵土。有酒無地持  
行杯。送君詩。惜君去。夕照皖公雲。斷鴉揚子渡。更下錢  
塘聽莫潮。都是扁舟舊游處。政事文章今在茲。湖山寄  
語久相思。南行若見青天月。知我燕京憶汝時。

李海颿

宗傳

觀察釣龍圖

我本海鄉人。逸興凌滄洲。常思弄海月。徑踏鼉鼉游。往  
者一卧松寥閣。東望海門極寥廓。去年兩醉劣。窮巔海  
山憑。眺蛟龍。惡何來。一片金銀宮。羣靈出沒洪濤中。高

張亨甫全集

卷八

十

帆十丈。駕天風。衣縷盡。作朝霞紅。擲竿鼉背。鼉可餌。李  
侯意氣真豪雄。李侯昔官浙水日。轉粟南北馳艤。艤飛  
雲乍浦。瞰甌海。光景與此將毋同。風波過眼。又頃刻。萬  
事前定。誰能測。扁舟更向洞庭陰。何處宦游。非水國。卽  
今澎湖之東。蒲昌之西。孤軍或恐化猿鶴。一戰誰與收  
鯨鯢。安得李侯往。擁千水犀。掃除蛟奴。颿母無險。鹹鳴  
呼。安得掃除蛟奴。颿母。母險。鹹。還公此畫三嗟咨。

送居蒲歸壽甯

秋風起燕薊。北鳥方南翔。嗟哉遠游子。浩然思故鄉。故  
鄉在何許。乃在大海旁。驚濤急日夜。蛟鱷爭恬張。逝將

從汝歸。欲渡仍無梁。牽衣獨嘆息。灑涕紛霑裳。

時臺方警

霑裳夫何爲。相歡非一朝。別離在頃刻。途路險且遙。山東歲飢饉。千里無青苗。行者苦刼掠。車馬來蕭條。君歸亦何促。欲留難強要。幸當戒僕御。努力隨征輶。

征輶臨黃河。但見滔滔流。中原帝王都。化爲隴與邱。富貴若大夢。榮名誰久留。生平讀書意。豈必尸公侯。上視青天高。下視滄波遒。歲月苟無恙。黽勉圖千秋。

千秋有大業。不朽非辭章。聖賢始澹泊。積久生輝光。出爲天下賴。處亦安其鄉。嗟余固賤士。懷此徒慨慷。駑馬望長道。欲進力已僵。尙思策君轡。毋笑言佯狂。

張亨甫全集

卷八

十一

佯狂樂尤梅。十載猶不悛。多君畧形迹。愛我情每專。無以持贈君。長歌當離筵。君如天上雲。我如水上船。船行恐風波。雲去任自然。諒當作霖雨。勗哉斯茲年。

思歸吟

吁嗟乎。既不爲洛陽生。流涕激切憂朝廷。又不爲昌黎老。懷書慷慨干當道。高堂有母歸不得。終日背人自歎息。幽州九月已早寒。貂裘欲敝無顏色。惡風吹沙不見天。城郭慘慘若黑煙。千鈴萬鐸酸聲吞。我亦躑躅於其間。君不見青海外。鐵騎縱橫集旌旆。君不見黃河涯。金錢耗棄輕泥沙。古來功與名。自視運與數。窮愁七尺軀。

飄零十載誤誰持。門戶任弱妻。誰授句讀。麟兒芋魁。  
方可煨。蟹腹亦已肥。胡爲爾不田園思。忍棄骨肉而留  
茲。昨夢遊戲凌天閭。天狗閭閻向我狂。雷公鬼母夜叉  
神王。其日閃閃垂星茫。睨我欲進而傍徨。仙官引我去。  
去去驂鸞翔。巍峨官府白玉爲堂。丹霞滿戶。霓裳一奏。  
瓊華亂舞。我醉不知墮塵土。但聞木葉紛如雨。此時南  
望路阻修。蒼然秋色橫蘆溝。蕭蕭之日欲落。黯黯之雲  
不收。可憐飢鷹老雁前奔投。妖狐怪鳥中啁啾。吁嗟乎。  
淒者笛。咽者笳。悲者鼓角。哀者琵琶。秋聲迸入愁天涯。  
遂使登高眺遠疲於車。一邑一人孤館孤客。有恨關山

張亨甫全集

卷八

十一

放眼青。無情歲月催頭白。富豈必桑八百株。貴豈必官  
二千石。微願蹉跎淚霑臆。吁嗟乎。高堂有母歸不得。

余旣作前詩時九月四日也是日鄭雲麓

開禮員

外招同吳蘭雪

嵩梁

舍人郭蘭石

尙先

編修許

萊山

邦光

學士曾白亭

承基

孝廉暨余同年何

君式玉

集飲寓齋歸則旣夕矣因召盲者奏雜

劇爲樂更賦一首柬員外

我來燕市悲歌無屠狗。太息騷人醉我百杯酒。高秋風  
淒日色薄。廣院微塵散衰柳。當筵主客各豪俊。縱談不  
覺時已久。歸燃兩炬照獨坐。急呼奴子進盲叟。大絃長

笛錯雜奏。激昂鉦鼓壯聲有。方今西方太白高。羽檄日  
夜勤我。

后已從塞外簡士卒。更向

輦下擇戎右。羈懷作惡欲南行。縣官徵車不敢走。平生  
八尺本骯髒。兵書百卷每在手。關河形勝畫能詳。下馬  
露布筆不負。胡爲望

闕阻請纓。孤館閉置同新婦。苦思郊原空闊處。草短兔  
肥鷹可取。西山秋氣颯爽來。一笑仰天問重九。世事何  
當話是非。英雄亦恥老。戶牖夜闌城上角。幽咽曲罷告  
去揮以肘。明朝持報鄭當時。吾詩聊用覆甕甌。

張亨甫全集

卷八

十三

南豐譚梅臣錫洪同年偕令兄桐生祖同孝廉南

歸別後悵然有作

桐生跌宕如髯翁。梅臣卓犖如次公。一家三世富文學。

君兄弟爲子受太守哲嗣而蒼亭侍郎之孫也不數二陸來江東。都門與我忽

相見。千鎔照眼光爭雄。人間歐治久不遇。忍使寶匣韜

長虹。自慙識鑑比壯武。兩君變化終爲龍。桑乾慘澹多

悲風。白日欲落天叫鴻。關河千里盡秋色。赤葉作兩飛

霜楓。弟兄此時竟就道。重九正在歸途中。登高遙想望

鄉急。征車不斷塵滿空。瀟湘綠與章貢同。君山秀出青

芙蓉。昨言看山未敢戀。省親要挂浮湘篷。安知別後定

何處苦恨執手行匆匆。湘山亦有迴雁峯。寄我尺素或可逢。獨憐柔乾不南去。隔絕章貢誰能通。羈懷本自怨寥落。況乃離緒交縈胸。詩成仰天一嘆息。古來聚散雲無蹤。

長風

長風起漠北。萬里入柔乾。笳鼓秋城暮。關河木葉寒。驚心雙旅鬢。拊髀一儒冠。誰見天山外。冰霜轉戰難。

杜氏女

爲蕉林禮部祖姑作

杜氏女。七十一。老母家。撫弟侄。烏虜鳴。鴟毀室。聖所悲。骨肉之變。誰能知。父死飲恨黃泉。母也啜泣謂女何。

張亨甫全集

卷八

十四

不爲男兒。煢煢弱弟。畏人凌欺。女也啜泣。謂女何必。非男兒。煢煢弱弟。與母抱持。今年媒氏來。阿姊婚已有。明年媒氏來。女不願出戶牖。今年媒氏來。阿弟婦已取。明年媒氏來。女不願奉箕箒。烏虜蒼茫之海。無恬波險巖之山。無平坡山。溪復豺虎。海溪復鼉鼉。慘惻之天人。將奈何。嗟爾一女子。弟死更奈何。嗟爾一女子。母死更奈何。婦少而寡。侄幼而孤。嗟爾不嫁。當奈何。君不見雛鳳飛。燦燦毛羽肥。君不見雛鳳飛。雙雙儔匹歸。朝棲同心樹。莫長連理枝。一花敷六葉。葉葉女手親培植。一花敷六葉。葉葉女墓垂葳蕤。惡鳥再逐破巢。再維烏虜骨肉。

之變。飲恨者多。慘惻之天。人將奈何。吾爲杜女歌。入山  
可不畏豺虎。入海可不畏龍鼉。入世可不畏輻軻。

紀事八首

河西列幕古稱雄。一矢相加達混同。天使降王親款塞。  
帝勤諸將遠夷戎。投俘鐵勒歸唐壘。置吏金蒲拓漢風。  
可惜翁孫遺策在。不曾籌議及平隆。  
貔貅十萬控弓弦。往日頻頒

上賜錢。八校威夷還守地。七禽戴蜀本如天。射生驅去  
窮曾馬。飲酪呼來少婦絃。遂使邊人輕將士。悲笳一夕  
起祁連。

張亨甫全集

卷八

十五

上相揚威遠督征。元戎垂老擁邊城。已聞笑厥傷來濟。  
欲走匈奴命灌嬰。鐵駟重專青海閫。銅魚更調黑河兵。  
繡衣何事封章亟。歌舞難忘出塞情。

羽檄星馳絕徼忙。西來烽火照甘涼。風驅沙漠摩戈響。  
帳壓冰天伏弩僵。萬里懸軍倚驃騎。一時籌餉問宏羊。  
昨宵又下樓船奏。戰士衝寒倍給裝。

百年休養自深恩。拜表爭求列戍垣。乘障居然方禡道。  
防秋句注漫移屯。關山虎旅提應苦。節鉞龍庭鎮已尊。  
近報受降城下戰。天兵日夜正追奔。

大荒天地雪霜羸。萬馬驍騰積草枯。已擁旌麾溫府帥。

正催芻粟酒泉輸。韜弓月峒營高下。洗甲星河事有無。  
辛苦獨憐諸驛吏。馳驅歲晚急軍符。

天山已恨極天涯。況越天山故壘。遼畫角裂雲橫太白。  
窮廬蓋地徧流沙。新勞將帥懲番部。並起王官走傳車。  
鞭鐙論功原不負。翠翎玉管有光華。

東南旱潦賑傷災。疏勒軍興內帑開。歲月無聲消積費。  
風雲有會屬羣材。兵游絕域牛羊徙。鬼哭圍城雀鼠哀。  
徒說雲中需魏尙。那知代北怨王恢。

對月歌

十月十四夜走筆賦

對月歌。歌如何。吳兒擗笛愁金波。北風今夜生寒多。君

張亨甫全集

卷八

十六

胡爲在三湘。九疑間。三湘漁父盡白髮。九疑帝子凋朱  
顏。胡爲久處君不還。人言青天高天高。猶可見與君相  
思相怨已十年。安得青天似君面。昨夜夢爲雲。君亦雲  
一片。我爲雲在太行巉巖邊。君爲雲雜衡嶽回雁之疎  
煙。雁飛尙不到。我夢復誰告。可憐團團一寸心。天長地  
闊無處尋。哀猿暮叫青楓林。楓林葉落楚水深。去年得  
君書。分明斷腸字。男兒困苦不得意。作書寄人空涕淚。  
誰知楚水日夜流。君心不轉滄波頭。我欲南去無扁舟。  
但鞭我馬。我馬悲鳴仰屋瓦。瓦上月大如霜雪。一聲清  
商吹月裂。果然瓊樓玉宇高寒中。素娥亭亭開桂宮。桂

華千年長靈蟲靈蟲食之亦千歲。只有吳剛老無計。我將玉斧持贈君。不修明月修智慧。智慧不可長。慧根割絕悲憂忘。他人愛樂君愛悲。今月古月同一時。古人已死月不知。今人對酒還別離。別離又似南北極。出入高低總太息。九疑連縣路不通。山鬼啼秋雨昏黑。歌且闌。吳兒起長歎。今年顏色好如玉。明年恐作斑斑竹。公子不來明月獨。北風目斷湘江綠。

楊雪柳

慶琛

比部贈李陽冰般若臺篆碑搨本陳

春林

輝文

同年贈蔡忠惠洛陽橋碑真書搨本

盧居蒲

贊真

同年贈湛文簡星毬巖草書搨本

張亨甫全集

卷八

十七

春林居蒲索詩未及作二君已歸里蔡書爲同年吳子顧取去偶念之慨然成詠並柬比部

宋唐賡刻多。誰辨李蔡殘碑半。譌舛白頭講學甘泉翁。落筆龍蛇見總鮮。蛟鼉夜縮蟠嶼巖。神鬼晝呵守絕巘。山風海雨歷滄桑。三朝一石各完善。辛勤入水搜壑谷。湛書水中搜出。慘澹梯崖割苔蘚。豈知倦客六千里。故鄉墨寶摩挲展。荒齋閉置日光怪。良友坐索忍已遣。天涯失意先我歸。恨昨無酒與出餞。重洋險絕颶颺惡。春林由曷海道歸曷不同車走徐究。冰霜旅食獨苦飢。歲暮悲看少溫篆。

十月二十一日過飲雲麓先生寓廬爲設菊花餅

索詩漫賦

梅仙方來菊仙去。欲去未去笑相遇。騷人侵曉掃東籬。  
留客餐英飽風露。紛紛梁肉饜朱門。豈知清況宜金尊。  
秋歸肺腑澹有在。香滿牙頰輕無痕。北人飲食豪爲樂。  
生割牛羊傾乳酪。南人北居愛南菜。菘笋過冬味已薄。  
我家亦在天之南。手持此餠饞口貪。櫻廚杏粥未足道。  
荔支酒熟應吾酬。

先生有荔支酒詩  
蓋絕其家釀也

後思歸吟

廿二日作

噫嘻盍歸乎來。駱駝如山高崔巍。每日馱載西山煤。西  
山之煤何足哀。哀爾嚴風刺肌骨。居人婦子圍爐開。孤  
張亨甫全集

卷八

八十八

客敝絮猶徘徊。昨夜衾單警羈夢。徧瓦霜華知已凍。床  
邊燈暗氣慘青。曉起耳鼻皆酸痛。開門看天天不光。但  
見一片車塵黃。狐裘貂帽誰家郎。大鞍重幔馳輝煌。不  
爲闕下官。不爲市中賈。何爲落拓棄鄉土。旦暮畏寒似  
畏虎。可憐老母近七十。憶我遠游心正苦。奉養不及彼  
農圃。士也若是淚如雨。往者父言北方雖少雪。隆冬十  
月地欲裂。流唾成冰指成鐵。臨行老母復屢說。道兒早  
回計宜決。吾妻不敢言。祇使兒來前。送爺今朝去。問爺  
何時旋。噫嘻盍揮我鞭。盍跨我羈。盍返我田園。鴻鵠飢  
草木落。歲晚衣裳薄。身賤顏面惡。癸未之夏陳夫子

恭甫

師太息文正

竹君編修石君太傅

兄弟死海內知誰能薦爾今年

之秋宋觀察

芷灣先生湘

謂我天上來至此求之古人亦無

幾當世黃

則仲

吳曷足比淹留京雒惜寡友噫嘻吾誠可

以徑歸矣千齡萬代兩知己

醉歌行贈鹿春如

澤長

郎中

二十作令三十爲郎縱橫跌宕之意氣不在金印持煌

煌昔官吾鄉不相遇燕市乍逢忽如故故人姚合最雄

豪

謂石甫

感君肝膽向君露幽州朔氣從天來寒風割月

生陰埃天上老雁地上瘦馬坐上絲竹城上笳鼓此聲

雜沓而壯哀此時三人痛飲常低徊吾聞泰山秀出俯

張亨甫全集

卷八

九

齊魯又聞東海魚龍跋浪而嘯舞赤日燒海光彩吐散

作朱霞落睂宇我欲山樓避塵土君生其間卽地主君

曰不然人間第一病少年豈容辟穀師神仙神蛟不窟

淵神駒不受韉飛騰致霖雨蹠踣淩雲煙聞君此言涕

泗連此時汨汨獨飲鯨吸川醉矣兩君夾我肩健僕負

置車中眠歸來畧醒急索筆敘我感激情纏綿君不見

早療方股烽火未息內帑籌金南國乏食平生各抱一

井心致身可惜無權力何不重倒金叵羅喚取秦青歌

鑊笛裂寒風多月如斗酒如河亨羊燔兔堆嵯峨寶劍

不用干摩挲銘勳鐘鼎須臾事萬古吾儕氣不磨

十月廿四日雪雲麓考功次東坡聚星堂禁體韻  
見示卽次韻奉柬

朔風吹雁似叫寒。寒聲吹天夜落雪。雪飛到處雁不飛。  
關塞蒼然氣慘絕。長安萬戶屋瓦凍。驟馬出門蹄欲折。  
不知到地浩已滿。但見漫空起旋滅。橫斜併舞自紛紛。  
高下作態誰轉掣。金闈簾冷點翠袖。曉帳夢醒紅網纈。  
應從遠道怨驕人。豈信此時淚如屑。離合悲歡總飄瞥。  
歐蘇故事聊同說。酒酣試弄落梅花。冰裂李郎橫笛鐵。  
○寄吳子序嘉賓明經山東兼柬令弟子顧嘉言同

年時子顧與余在都下

張亨甫全集

卷八

七下

十年識字多憂患。萬古驚心速歲時。似爾雁鴻分覓稻。  
憐余烏鵲又移枝。幽燕地曠生寒苦。汶泗河荒轉漕遲。  
冰雪天西猶戰伐。書生何敢怨孤羈。

十一月十五夜對月

不信今年月。無家此屢看。光輝到遲莫。今古幾團圓。劔

隱虹誰辨。珠沉海自寒。空憐小兒女。正解望長安。是夕陸心

蘭副憲來飲陳石士學士宅與余初不相識也聞古

姓名遂過有獎許云曾見余爲李海颿觀察評閱古

文心識其議論不忘嘗往告姚秋農總憲王伯申侍

郎謂其取士有遺珠以廷試二公與閱卷也余雖

不足當而其意勤懇有加談至二鼓始別感知已

字不自知其悲也

黃樹齋爵滋太史思樹芳蘭圖

名園桃李爭春速。國香冷落多空谷。美人不來采遺誰。  
天寒歲暮芳馨獨。披君此圖足可思。一拈花笑憐幽姿。  
意中九畹好位置。忍使風雨搖離披。君言昨作荆楚游。  
湘根澧葉曾無留。我家亦近建水頭。素心昔貴今賤售。  
萬物榮枯本天意。棘徧難鋤種何地。縱戒當門或懼誅。  
宛移入畫堪流涕。此圖妙腕出女士。墨痕到處忘真似。  
惜君孤坐擁蒲團。手無甘露灑芳蕊。無端感我莫嘆嗟。  
飄零紉佩紛梗麻。蓬萊水淺何人問。凋盡千年瓊樹華。  
石甫明府招飲既至旋歸口占代柬

張亨甫全集

卷八

是身如浮雲。來去本無定。正愁連夕醉。且任一人靜。朔  
風盪虛帷。碧燈抱幽影。花夢不禁寒。伴梅鶴孤警。

鄭少谷山人自書詩冊爲陳望坡若霖尙書作

海東紫氣如霞起。廷杖不死乃凍死。平生大節天地間。  
餘作雲煙今滿紙。當時十子倡閩風。山人一出才最雄。  
辛勤學杜得杜骨。何李以外真凡庸。撼樹蚍蜉恣妄議。  
正德天寶嗟何異。時無安史總亂離。後有漁洋識此淚。  
俟河之清壽幾何。金鼇壓翠迴悲歌。詩魂應戀九曲雪。  
更五百載亭孤嵯。山人中歲又樂道。再謁文成苦不早。  
抗疏徒傳讜直名。千秋寂寞此懷抱。殘縑贖粉世所珍。

山人摩挲蠹爾遺篇新。內詩數首今集不載翻愁出腕龍蛇勢。不能畫

見行吟草澤臣。三年前過梅亭路。父老尙說山人墓。謝

公騷魄近相隣。苦月淒風兩來去。鄉賢謝退谷教諭余有知己之感甲申春

嘗一拜其墓遂並謁山人墓而歸皆在福州西關外梅亭鐫詩幸付十代孫。尙書得

此完壁存。山人集閩中向難得近其十世孫炳文司馬重梓流播始廣此册先存尙書族人家近從

老嫗購得感事憂時筆奇縱。前朝墨寶誰同論。之猶完好

武威潘吏部 抱奎 石生先生與余初未一面於鄭

雲麓員外處見余詩乃作閩海奇人歌枉贈感

事言情讀之欲涕久未作答於心闕然十二月

二十四日早起對雪忽觸鄙懷遂成長句三十

張亨甫全集 卷八

二韻奉柬惟先生知余不以爲妄也

莽莽乾坤意蕭蕭雨雪辰。大河餘涕淚。絕塞幾烽塵。感

激身方賤。飄零氣益振。和歌得潘岳。寄食傍陳遵。時居陳學

士用光宅歲月今遲莫。江湖昔苦辛。興亡弟前代。治亂閱斯

民道散無周孔。風衰有漢秦。迹惟功利逐。運與戰爭因。

殘壘哀形勝。荒碑泣鬼神。一舟吳更楚。十載越還閩。復

此淹羈旅。依然廢笑頰。羣公操

國是。諸將戾

皇仁。幕府炎如夏。邊庭慘失春。驕鷹徒任攫。困獸未能

馴。跋扈成窮寇。驅除仗老臣。似聞陳白簡。正欲勦黃巾。

內帑籌當繼。中原力或貧。地荒休竟鑿。世遠轉須親。況以全淮重。而爲巨浸淪。寅恭師古訓。冒濫遏私津。瓠子宮雖舊。桃花漲每新。久驚化魚鼈。毋使竭圭緡。水勢原趨海。天心總愛人。共宜憂。

社稷莫但戀。簪紳放眼嗟。千載悲吟去。四隣南雲紆。別夢北酒渴。愁唇詩豈窮。常好才應遇。或伸蹉跎。時屢待俯仰。病同呻。勢儻危投鼠。言非故逆鱗。自緣忠讜切。誰侈晏安頻。壯志髀堪拊。流年髮漫循。洛陽吳太守。終識賈生眞。

萊山學士湘月泛槎圖

張亨甫全集

卷八

峯七十二重烟浮灣。三十六迴波流。夜涼新月出照水。鮫奴奉鏡靈妃游。空明河漢宛在地。落雪數點飛風鷗。洞庭巫峽氣莽蒼。千里併作清湘秋。豈無華燭擁使節。俯仰發興惟孤舟。玉堂歸來憶昨夢。魚龍百變一紙收。人生過眼境總幻。幽意且喜江山留。槎頭頑石載可已。陋矣博望徒封侯。

書後湘吳伶傳後

二百年來明月秋。鳳城孰與接涼州。王郎慘死吳郎天。但憶清歌總白頭。

桑乾河水卽天涯。千里難歸一素車。誰遣龜年傳法曲。

江南子弟半無家。

青天雁語北風涼。金椀銀缸擁夜長。併出英雄兒女淚。  
一聲檀板有滄桑。

豪竹哀絲感謝安。中年身世醉難寬。相逢何必王曇首。  
容易秋墳聽笛殘。

沈璧河中濁浪狂。傳烽塞外捷書忙。江湖放逐劉司馬。  
獨向風塵哭順郎。

采筆無緣侍玉清。旗亭畫壁狎娉婷。樽前唱斷須臾事。  
傳出才人足涕零。

三疊霓裳譜細箋。聽風聽水意纏綿。人間天上今多憾。  
張亨甫全集

玉貌同時兩少年。

舊人尙與對何戡。只覺當筵酒不酣。試撤寇家花蠟燭。  
淚猶如此客誰堪。

